तीत्तरीय आरण्यकम्

Colophon

This document was typeset using X½MEX, and uses the Sanskrit 2003 font extensively. It also uses several MEX macros designed by *H. L. Prasād*. Practically all the encoding was done with the help of Ajit Krishnan's mudgala IME (http://www.aupasana.com/).

Acknowledgements

The initial ITRANS encodings of some of these texts were obtained from http://sanskritdocuments.org/. Thanks are also due to Ulrich Stiehl (http://sanskritweb.de/) for hosting a wonderful resource for Yajur Veda, and also generously sharing the original Kathaka texts edited by Subramania Sarma.

See also http://stotrasamhita.github.io/about/

FOR PERSONAL USE ONLY
NOT FOR COMMERCIAL PRINTING/DISTRIBUTION

अनुक्रमणिका i

अनुक्रमणिका

अरुणप्रश्नः	1
कृष्णयजुर्वेदीयतैत्तिरीय-काठकम्	32
प्रथमः प्रश्नः	32
द्वितीयः प्रश्नः	43
ततीयः प्रश्नः	57

अरुणप्रश्नः 1

॥ अरुणप्रश्नः॥

ॐ भद्रं कर्णीभः शृणुयामं देवाः। भद्रं पंश्येमाक्षभिर्यजेत्राः। स्थिरेरङ्गैस्तुष्टुवाः संस्तुनूभिः। व्यशेम देवहितं यदायुः। स्वस्ति न इन्द्रौ वृद्धश्रवाः। स्वस्ति नः पूषा विश्ववेदाः। स्वस्ति नस्ताक्ष्यौ अरिष्टनेमिः। स्वस्ति नो बृह्स्पतिर्दधातु॥ ॐ शान्तिः शान्तिः शान्तिः।

भद्रं कर्णीभिः शृणुयामं देवाः। भद्रं पंश्येमाक्षभिर्यजेत्राः। स्थिरेरङ्गैस्तुष्टुवाश् संस्तुन्भिः। व्यशेम देवहितं यदायुः। स्वस्ति न इन्द्रो वृद्धश्रेवाः। स्वस्ति नः पूषा विश्ववेदाः। स्वस्ति नस्ताक्ष्यीं अरिष्टनेमिः। स्वस्ति नो बृह्स्यतिर्द्धातु। आपमापामुपः सर्वौः। अस्माद्स्माद्तितोऽमुतः॥१॥

अग्निर्वायुश्च सूर्यश्च। सह संश्वस्करिष्टिया। वाय्वश्वां रिमपत्यः। मरींच्यात्मानो अद्भंहः। देवीभुवनसूर्वरीः। पुत्रवत्वायं मे सुत। महानाम्नीमहामानाः। महसो महसः स्वः। देवीः पर्जन्यसूर्वरीः। पुत्रवत्वायं मे सुत॥२॥

अपाश्यिष्णिम्पा रक्षः। अपाश्यिष्णिम्पारघम्। अपाष्ट्रामपे चावर्तिम्। अपदेवीरितो हित। वज्रं देवीरजीताङ्श्र। भुवंनं देवसूर्वरीः। आदित्यानदितिं देवीम्। योनिनोर्ध्वमुदीषंत। शिवा नः शन्तमा भवन्तु। दिव्या आप् ओषंधयः। सुमृडीका सरस्वति। मा ते व्योम सुन्दिश्री॥३॥ स्मृतिः प्रत्यक्षमितिह्यम्। अनुमानश्चतुष्ट्यम्। प्रतेरादित्यमण्डलम्। सर्वैरेव विधास्यते। सूर्यो मरीचिमादत्ते। सर्वस्माद्भवनाद्धि। तस्याः पाकविशेषेण। स्मृतं कोलविशेषणम्। नदीव प्रभवात्काचित्। अक्षय्यात्स्यन्दते यथा॥४॥

तां नद्योऽभि संमायन्ति। सो्रुक्तः सतीं न निर्वर्तते। एवं नानासंमुत्थानाः। कालाः संवत्सरङ् श्रिताः। अणुराश्च महराश्च। सर्वे समवयन्त्रितम्। सतैः सर्वैः संमाविष्टः। ऊरुः सन्न निवर्तते। अधिसंवर्त्सरं विद्यात्। तदेवं लक्षणे॥५॥

अणुभिश्च मेहद्भिश्च। समारूढः प्रदृश्यते। संवत्सरः प्रत्यक्षेण। नाधिसंत्वः प्रदृश्यते। पटरौ विक्रिधः पिङ्गः। एतद्वंरुणलक्षणम्। यत्रैतंदुपदृश्यते। सुहस्रं तत्र नीयते। एकश् हि शिरो नाना मुखे। कृत्स्नं तंदतुलक्षणम्॥६॥

उभयतः सप्तैन्द्रियाणि। जित्पतं त्वेव दिह्यते। शुक्ककृष्णे संवेत्सर्स्य। दक्षिणवामयोः पार्श्वयोः। तस्यैषा भवंति। शुक्रं ते अन्यद्यंजतं ते अन्यत्। विषुरूपे अहंनी द्यौरिवासि। विश्वा हि माया अवंसि स्वधावः। भद्रा ते पूषिन्निह रातिर्स्त्विते। नात्र भवंनम्। न पूषा। न प्रावंः। नऽऽदित्यः संवत्सर एव प्रत्यक्षेण प्रियतमं विद्यात्। एतद्वै संवत्सरस्य प्रियतमः रूपम्। योऽस्य महानर्थ उत्पत्स्यमानो भवति। इदं पुण्यं कुरुष्वेति। तमाहरणं द्यात्॥७॥

साकञ्जानाई सप्तर्थमाहुरेकजम्। षडुंद्यमा ऋषयो देवजा इति।

तेषांमिष्टानि विहितानि धामुशः। स्थात्रे रेजन्ते विकृतानि रूपुशः। को नुं मर्या अमिथितः। सखा सखायमब्रवीत्। जहांको अस्मदीषते। यस्तित्याजं सखिविद्द् सखायम्। न तस्यं वाच्यपि भागो अस्ति। यदीर्श्रं शृणोत्यलकर्श्रश्णोति॥८॥

न हि प्रवेदं सुकृतस्य पन्थामिति। ऋतुर्ऋतुना नुद्यमानः। विनेनादाभिधावः। षष्टिश्च त्रिश्चका वल्गाः। शुक्ककृष्णौ च षाष्टिकौ। सारागवस्त्रेर्जरदंक्षः। वसन्तो वसुभिः सह। संवत्सरस्य सिवतुः। प्रैषकृत्प्रथमः स्मृतः। अमूनादयंतेत्यन्यान्॥९॥

अम् श्रं परिरक्षतः। पता वाचः प्रयुज्यन्ते। यत्रैतंदुपदृश्यते। पतदेव विजानीयात्। प्रमाणं कालपर्यये। विशेषणं तुं वक्ष्यामः। ऋतूनां तिञ्चबोधत। शुक्कवासां रुद्रगणः। ग्रीष्मेणंऽऽवर्तते सह। निजहेन् पृथिवी सर्वाम्॥१०॥

ज्योतिषाँ ऽप्रतिख्येनं सः। विश्वरूपाणि वासा श्रेसि। आदित्यानाँ निबोधेत। संवत्सरीणं कर्मफलम्। वर्षाभिर्देदता सह। अदुः खो दुः खचेक्षुरिव। तद्मां ऽऽपीत इव दृश्येते। शीतेनाँ व्यथंयि श्विव। रूरुदेक्ष इव दृश्येते। ह्याद्यते ज्वलंतश्चेव। शाम्यतंश्चास्य चक्षुषी। या वै प्रजा भ्रं इयुन्ते। संवत्सरात्ता भ्रं इयुन्ते। याः प्रतितिष्ठन्ति। संवत्सरे ताः प्रतितिष्ठन्ति। वर्षाभ्यं इत्युर्थः॥११॥

अक्षिद्धः खोर्त्थितस्यैव। विप्रसन्ने कनीनिके। आङ्के चार्द्गणं नास्ति। ऋभूणां तन्निबोर्धत। कनकाभानि वासार्श्ति। अहर्तानि निबोधत। अन्नमश्रीतं मृज्मीत। अहं वो जीवनप्रदः। एता वाचः प्रयुज्यन्ते।

शरद्यंत्रोपदृश्यंते॥१२॥

अभिधून्वन्तोऽभिघ्नेन्त इव। वातवेन्तो मुरुद्गेणाः। अमुतो जेतुमिषुमुखिम्व। सन्नद्धाः सह देहशे ह। अपध्वस्तैर्वस्तिवणैरिव। विशिखासंः कपर्दिनः। अकुद्धस्य योत्स्यमानस्य। कुद्धस्येव लोहिनी। हेमतश्रक्षुषी विद्यात्। अक्ष्णयौः क्षिपणोरिव॥१३॥

दुर्भिक्षं देवेलोकेषु। मनूनामुद्कं गृहे। एता वाचः प्रवद्न्तीः। वैद्युतौ यान्ति शैशिरीः। ता अग्निः पर्वमना अन्वैक्षत। इह जीविकामपरिपश्यन्। तस्येषा भविति। इहेह्वः स्वतप्सः। मर्रतः सूर्यत्वचः। शर्मे सप्रथा आवृणे॥१४॥

अतिताम्राणि वासा<u>र</u>सि। अष्टिविजिञ्जातिम्न च। विश्वे देवा विप्रहर्गन्त। अग्निजिह्या असश्चेत। नैव देवो न मुर्त्यः। न राजा वरुणो विभुः। नाग्निर्नेन्द्रो न पेवमानः। मातृक्षचन विद्यते। दिव्यस्यैका धर्नुरार्हिः। पृथिव्यामपेरा श्चिता॥१५॥

तस्येन्द्रो विम्निरूपेण। धनुज्यीमिछनित्स्वयम्। तिद्निद्धधनुरित्यज्यम्। अभ्रवणिषु चक्षेते। एतदेव शंयोर्बार्हस्यत्यस्य। एतद्वेद्वस्य धनुः। रुद्रस्यं त्वेव धनुरार्बिः। शिर् उत्पिपेष। स प्रवग्यीऽभवत्। तस्माद्यः सप्रवग्यीणं यज्ञेन यजेते। रुद्रस्य स शिर्ः प्रतिद्धाति। नैनर्र रुद्र आर्रुको भवति। य एवं वेद्॥१६॥

अत्यूर्ध्वाक्षोऽतिरश्चात्। शिशिरः प्रदृश्यते। नैव रूपं ने वासार्श्ता। न चक्षुः प्रतिदृश्यते। अन्योन्यं तु ने हिङ्स्रातः। सतस्तिदेवलक्षणम्। लोहितोऽक्ष्णि शारशीिष्णः। सूर्यस्योदयनं प्रति। त्वं करोषि न्यञ्जलिकाम्। त्वं करौषि निजानुकाम्॥१७॥

निजानुका मैं न्यञ्जिलका। अमी वाचमुपासतामिति। तस्मै सर्व ऋतवो नमन्ते। मर्यादाकरत्वात्त्रपुरोधाम्। ब्राह्मणं आप्नोति। य एवं वेद। स खलु संवत्सर एतेः सेनानीभिः सह। इन्द्राय सर्वान्कामानिभवहति। स द्रप्सः। तस्यैषा भवति॥१८॥

अवंद्रप्सो अर्श्शुमतीमतिष्ठत्। इयानः कृष्णो द्रशिमः सहस्रैः। आवर्तिमन्द्रः शच्या धर्मन्तम्। उप्स्नुहि तं नृमणामर्थद्रामिति। एतयैवेन्द्रः सलावृंक्या सह। असुरान् परिवृश्चिति। पृथिव्यर्श्शुमती। तामन्ववंस्थितः संवत्सरो दिवं चं। नैवं विदुषाऽऽचायौन्तेवासिनौ। अन्योन्यस्मै दुद्याताम्। यो दुद्यति। भ्रश्यते स्वर्गाछ्योकात्। इत्यृतुर्मण्डलानि। सूर्यमण्डलौन्याख्यायिकाः। अत उर्ध्वश् सिर्विचनाः॥१९॥

-[६]

आरोगो भ्राजः पटरंः पत्रङ्गः। स्वर्णरो ज्योतिषिमान् विभासः। ते अस्मै सर्वे दिवमातपन्ति। ऊर्जं दुहाना अनपस्फुरंन्त इति। कश्यपोऽष्टमः। समहामेरुं ने जहाति। तस्यैषा भवति। यत्ते शिल्पं कश्यप रोचनावत्। इन्द्रियावत्पुष्कुलं चित्रभानु। यस्मिन्त्सूर्या अपिताः सप्त साकम्॥२०॥

तिर्रमन् राजानमिधविश्रयेमिमिति। ते अस्मै सर्वे कश्यपाज्यो-तिर्रुभन्ते। तान्त्सोमः कश्यपादिधिनिर्द्धमित। भ्रस्ताकर्मकृदिवैवम्। प्राणो जीवानीन्द्रियंजीवानि। सप्त शीर्षण्याः प्राणाः। सूर्या इंत्याचार्याः। अपश्यमहमेतान्त्सप्त सूर्यानिति। पञ्चकर्णी वात्स्यायनः। सप्तकर्णश्च ष्ठाक्षिः॥२१॥

आनुश्राविक एव नौ कश्यंप इति। उभौ वेद्यिते। न हि शेकुमिव महामेरं गुन्तुम्। अपश्यमहमेत्सूर्यमण्डलं परिवर्तमानम्। गार्ग्यः प्राणत्रातः। गच्छन्त महामेरुम्। एकं चाजहतम्। भ्राजपटरपतंङ्गा निहने। तिष्ठन्नातपुन्ति। तस्मादिह तिष्ठीतपाः॥२२॥

अमुत्रेतरे। तस्मदिहातिष्रितपाः। तेषामेषा भवति। सप्त सूर्या दिवमनुप्रविष्टाः। तानुन्वेति पृथिभिर्दक्षिणावान्। ते अस्मै सर्वे घृतमातपुन्ति। ऊर्जं दुहाना अनपस्फुर्रन्त इति। सप्तर्त्विजः सूर्या इत्याचार्याः। तेषामेषा भवति। सप्त दिशो नानासूर्याः॥२३॥

सप्त होतार ऋत्विजः। देवा आदित्यां ये सप्त। तेभिः सोमाभीरक्षण इति। तद्प्याम्नायः। दिग्भ्राज ऋतूंन् करोति। एतयेवावृता सहस्रसूर्यताया इति वैशम्पायनः। तस्येषा भविति। यद्यावं इन्द्र ते श्वतः श्वतं भूमीः। उतस्यः। नत्वां विज्ञन्त्सहस्र्रः सूर्याः॥२४॥

अनु न जातमष्ट रोदंसी <u>इ</u>ति। नानालिङ्गत्वादृत्नां नानांसूर्यृत्वम्। अष्टौ तु व्यवसिता <u>इ</u>ति। सूर्यमण्डलान्यष्टांत <u>ऊ</u>र्ध्वम्। तेषांमेषा भवति। चित्रं देवानामुदंगाद्नीकम्। चक्षुर्मित्रस्य वर्मणस्याग्नेः। आऽप्रा द्यावापृथिवी अन्तरिक्षम्। सूर्य आत्मा जगतस्तस्थुषश्चेति॥२५॥

केदमभ्रं निविशते। कायर् संवत्सरो मिथः। काहः केयं देव रात्री। क मासा ऋतवः श्रिताः। अर्द्धमासां मुहूर्ताः। निमेषास्तुटिभिः सह। क्वेमा आपो निविश्वन्ते। यदीतौ यान्ति सम्प्रीते। काला अप्सु निविश्वन्ते। आपः सूर्यै समाहिताः॥२६॥

अभ्राण्यपः प्रेपद्यन्ते। विद्युत्सूर्ये समाहिता। अनवर्णे ईमे भूमी। इयं चांऽसौ च रोदंसी। किङ्स्विदत्रान्तरा भूतम्। येनेमे विधृते उभे। विष्णुनां विधृते भूमी। इति वंत्सस्य वेदंना। इरावती धेनुमती हि भूतम्। सूयवसिनी मनुषे दश्स्ये॥२७॥

व्यष्टश्चाद्रोदंसी विष्णविते। दाधर्थं पृथिवीम्मितौ म्यूखैः। किं ति प्रायणम्। एकौ यद्धारं यद्देवः। रेजती रोद्सी उमे। वातािद्धणोबैलम्। इः। अक्षराद्दीिक्चते। विप्रदेवः। यद्विष्णोरेकुमृत्तमम्॥२८॥

अग्नयों वार्यवश्चैव। एतद्स्य प्रायंणम्। पृच्छामि त्वा परं मृत्युम्। अवमं मध्यमञ्चेतुम्। लोकं च पुण्यंपापानाम्। एतत्पृच्छामि सम्प्रति। अमुमोहः परं मृत्युम्। प्वमानं तु मध्यमम्। अग्निरेवावंमो मृत्युः। चन्द्रमाश्चतुरुच्यंते॥२९॥

अनाभोगाः परं मृत्युम्। पापाः संयन्ति सर्वदा। आभोगास्त्वेवं संयन्ति। यत्र पुण्यकृतो जनाः। ततो मध्यममायन्ति। चतुमीग्नं च सम्प्रति। पृच्छामि त्वां पापकृतः। यत्र यातयते यमः। त्वं नस्तद्वह्मन् प्रबृहि। यदि वैत्थाऽसतो गृहान्॥३०॥

क्रियपदिदिताः सूर्याः। पापान्निर्झान्ति सर्वदा। रोदस्योन्तर्देशेषु। तत्र न्यस्यन्ते वास्रवैः। तेऽशरीराः प्रपद्यन्ते। यथाऽपुण्यस्य कर्मणः। अपण्यपादंकेशासः। तत्र तेऽयोनिजा जनाः। मृत्वा पुनर्मृत्युमापद्यन्ते। अद्यमानाः स्वकर्मीभः॥३१॥

आशातिकाः किर्मय इव। ततः पूयन्ते वास्वैः। अपैतं मृत्युं जयित। य एवं वेदं। स खल्वैवं विद्वाह्मणः। दीर्घश्रुत्तमो भवित। कर्र्यपस्यातिथिः सिद्धर्गमनः सिद्धार्गमनः। तस्यैषा भवति। आयस्मिन्त्सप्त वास्वाः। रोहेन्ति पूर्व्या रुहेः॥३२॥

ऋषिर्ह दीर्घश्रुत्तमः। इन्द्रस्य घर्मी अतिथिरिति। कश्यपः पश्यको भवति। यत्सर्वं परिपश्यतीति सौक्ष्म्यात्। अथाग्नेरष्टपुरुषस्य। तस्यैषा भवंति। असे नयं सुपर्था राये अस्मान्। विश्वानि देव वयुनानि विद्वान्। युयोध्यंस्मर्ज्जुहुराणमेनः। भूयिष्ठन्ते नम उक्तिं विधेमेति॥३३॥

अग्निश्च जातंवेदाश्च। सहोजा अजिराप्रभुः। वैश्वानरो नेर्यापाश्च। पङ्किराधाश्च सप्तमः। विसर्पेवाऽष्टमोऽग्नीनाम्। एतेऽष्टौ वसवः, क्षिता इति। यथर्त्ववाग्नेरिचर्वर्णविशेषाः। नीलार्चिश्च पीतकाँचिंश्चेति। अथ वायोरेकाद्शपुरुषस्यैकाद्शस्त्रीकस्य। प्रभ्राजमाना व्यंवदाताः॥३४॥

याश्च वासुंकिवैद्युताः। रजताः पर्रुषाः इयामाः। कपिला अतिलोहिताः। ऊर्ध्वा अवर्पतन्ताश्च। वैद्युत इत्येकाद्द्यः। नैनं वैद्युतो हिनस्ति। य एवं वेद। स होवाच व्यासः पाराशर्यः। विद्युद्वधमेवाहं मृत्युमैच्छमिति। न त्वकाम १ हन्ति॥३५॥

य एवं वेद। अथ गन्धर्वगणाः। स्वानुभ्राट्। अङ्घारिर्वम्मारिः। हस्तः सुर्हस्तः। कृशानुर्विश्वावसुः। मूर्धन्वान्त्सूर्यवर्चाः। कृतिरित्येकाद्श गन्धर्वगणाः। देवाश्च महादेवाः। रश्मयश्च देवां गरगिरः॥३६॥

नैनं गरौ हिन्सित। य एवं वेद। गौरी मिमाय सिल्लानि तक्षती। एकंपदी द्विपदी सा चतुष्पदी। अष्टापदी नवंपदी बभूवुषी। सहस्राक्षरा परमे व्योमिन्निति। वाचौ विशेषणम्। अथ निगद्व्याख्याताः। ताननुक्रमिष्यामः। वराहवंः स्वतपसः॥३७॥ विद्युन्महस्तो धूपयः। श्वापयो गृहमेधाश्चेत्येते। ये चेमेऽिह्यिमिविद्विषः। पर्जन्याः सप्त पृथिवीमिनवर्षिन्त। वृष्टिभिरिति। एतयैव विभक्तिविपरीताः। सप्तिभवां तैरुद्रिरताः। अमूँ ह्लोकान-भिवर्षन्त। तेषामेषा भवति। समानमेतदुद्विम्॥३८॥

उचैत्यंवचाहंभिः। भूमिं पुर्जन्या जिन्वन्ति। दिवं जिन्वन्त्यग्नय इति। यदक्षरं भूतकृतम्। विश्वे देवा उपासते। महर्-षिमस्य गोप्तारम्। जुमदेग्निमकुर्वत। जुमदेग्निराप्यायते। छन्दौभिश्चतुरुत्तरेः। राज्ञः सोमस्य तृप्तासंः॥३९॥

ब्रह्मणा वीर्यावता। द्दावा नंः प्रदिशो दिशेः। तच्छं योरावृणीमहे। गातुं युज्ञाये। गातुं युज्ञपंतये। दैवीः स्वस्तिरंस्तु नः। स्वस्तिर्मानुषेभ्यः। ऊर्ध्वं जिंगातु भेषजम्। शं नौ अस्तु द्विपदैं। शं चतुष्पदे। सोमपा (३) असोमपा (३) इति निगदंव्याख्याताः॥४०॥

सहस्रवृदियं भूमिः। पुरं व्योम सहस्रवृत्। अश्विनां भुज्यूनासत्या। विश्वस्यं जगतस्पती। जाया भूमिः पंतिर्व्योम। मिथुनन्ता अतुर्यथुः। पुत्रो बृहस्पती रुद्रः। सुरमां इति स्त्रीपुमम्। शुक्रं

अरुणप्रश्नः

वामन्यद्यजतं वामन्यत्। विषुरूपे अहनी द्यौरिव स्थः॥४१॥

विश्वा हि माया अवंथः स्वधावन्तौ। भद्रा वा पूषणाविह रातिरंस्तु। वासात्यौ चित्रौ जगंतो निधानौ। द्यावांभूमी चरथः सू सखायौ। ताविश्वनां रासभाश्वा हवं मे। शुभस्पती आगत सूर्ययां सह। त्युग्रौह भुज्युमेश्विनोदमेघे। र्यिं न कश्चिन्ममृवां (२) अविहाः। तमूहथुनौभिरात्मन्वतीभिः। अन्तरिक्षप्रिद्धिराद्धिराद्धिराद्धिरा

तिस्रः, क्षपिस्ररहित्रजिद्धः। नासित्या भुज्यमूहथुः पत्ङ्भैः। समुद्रस्य धन्वन्नार्द्रस्य पारे। त्रिभीरथैः शतपिद्धः षर्दश्चैः। सिवतारं वितन्वन्तम्। अनुबन्नाति शाम्बरः। आपपूर्षम्बरश्चैव। सिवतिरिप्सौऽभवत्। त्यः सुतृप्तं विदित्वैव। बहुसौम गिरं विश्वी॥४३॥

अन्वेति तुग्रो विक्रियान्तम्। आयसूयान्त्सोमेतृप्सुषु। स सङ्ग्रामस्तमौद्योऽत्योतः। वाचो गाः पिपाति तत्। स तद्गोभिः स्तवाऽत्येत्यन्ये। रक्षसानिन्वताश्चं ये। अन्वेति परिवृत्याऽस्तः। एवमेतौ स्थो अश्विना। ते एते द्युः पृथिव्योः। अहंरहुर्गभै द्याथे॥४४॥

तयोरेतौ वत्सावहोरात्रे। पृथिव्या अर्हः। दिवो रात्रिः। ता अविसृष्टौ। दम्पती एव भवतः। तयोरेतौ वत्सौ। अग्निश्चीदित्यश्ची। रात्रेर्वत्सः। श्वेत आदित्यः। अह्योऽग्निः॥४५॥

ताम्रो अंरुणः। ता अविसृष्टौ। दम्पती एव भवतः। तयोरेतौ वृत्सौ। वृत्रश्चं वैद्युतश्चं। अग्नेर्वृत्रः। वैद्युतं आदित्यस्यं। ता अविसृष्टौ। दम्पती एव भवतः। तयरितौ वत्सौ॥४६॥

उष्मा चं नीहारश्चं। वृत्रस्योष्मा। वैद्युतस्यं नीहारः। तौ तावेव प्रतिपद्येते। सेयः रात्रीं गुर्भिणीं पुत्रेण संवंसित। तस्या वा पृतदुल्बणम्। यद्रात्रौं रुश्मयः। यथा गोर्गिभिण्यां उल्बणम्। पृवमेतस्यां उल्बणम्। प्रजियष्णुः प्रजया च पशुभिश्च भवति। य एवं वेद। एतमुद्यन्तमिपयन्तं चेति। आदित्यः पुण्यस्य वृत्सः। अथ पवित्राङ्गिरसः॥४७॥

१०

प्वित्रंवन्तः परिवाजमासंते। पितेषां प्रत्नो अभिरंक्षति व्रतम्। महः संमुद्रं वर्रणस्तिरोदंधे। धीरां इच्छेकुर्धरुणेष्वारभम्। प्वित्रं ते वितंतं ब्रह्मणस्पते। प्रभुगात्राणि पर्येषिविश्वतः। अतंप्ततनूर्न तद्मो अश्वते। श्वतास् इद्वहंन्तस्तत्समाशतः। ब्रह्मा देवानाम्। असंतः सद्ये ततंश्वः॥४८॥

ऋषयः सप्तात्रिश्च यत्। सर्वेऽत्रयो अंगस्त्यश्च। नक्षत्रैः शङ्कतोऽवसन्। अर्थ सिवतुः श्यावाश्वस्याऽवर्तिकामस्य। अमी य ऋक्षा निर्हितास उचा। नक्तं दह्शे कुर्हिचिद्दिवेयुः। अद्ब्यानि वर्रणस्य वृतानि। विचाकशचिन्द्रमा नक्षत्रमेति। तत्सिवितुवरिण्यं। भर्गो देवस्यं धीमहि॥४९॥

धियो यो नेः प्रचोदयात्। तत्संवितुर्वृणीमहे। वयं देवस्य भोजनम्। श्रेष्ठः सर्वधातमम्। तुरं भगस्य धीमहि। अपागृहत सविता तृभीन्। सर्वान्दिवो अन्धंसः। नक्तं तान्यंभवन्दृशे। अस्थ्यस्था सम्भविष्यामः। नाम् नामैव नाम मै॥५०॥ नपुश्संकं पुमाङ्क्यंस्मि। स्थावंरोऽस्म्यथ् जङ्गमः। यजेऽयिक्ष्यि यष्टाहे चं। मया भूतान्यंयक्षत। प्रश्वो ममं भूतानि। अनूबन्ध्योऽस्म्यंहं विभुः। स्त्रियंः सतीः। ता उमे पुश्स औहः। प्रयंदक्षण्वान्नविचेतद्न्यः। क्वियः पुत्रः स द्यमा चिकेत॥५१॥ यस्ता विजानात्संवितुः पितासंत्। अन्यो मणिमंविन्दत्। तमनङ्गुलिरावयत्। अग्रीवः प्रत्यमुञ्चत्। तमजिह्वा असश्चत। ऊर्ध्वमूलमंवाक्छाखम्। वृक्षं यो वेद् सम्प्रति। न स जातु जनंः श्रद्दध्यात्। मृत्युमी मार्यादितिः। हसितश् रुदितं गीतम्॥५२॥ वीणापणवलासितम्। मृतं जीवं चं यत्किञ्चित्। अङ्गानि स्नेव विद्धि तत्। अतृष्यङ्कर्त्यर्थध्यायत्। अस्माजाता में मिथ्र् चरन्न्। पुत्रो निर्ऋत्यां वैदेहः। अचेतां यश्च चेतनः। स तं मणिमंविन्दत्। सौऽनङ्गुलिरावयत्। सोऽग्रीवः प्रत्यमुञ्चत्॥५३॥

सोऽजिह्वो असश्चेत। नैतमृषिं विदित्वा नगरं प्रविशेत्। यदि प्रविशेत्। मिथौ चरित्वा प्रविशेत्। तत्सम्भवस्य व्रतम्। आतम्प्रे रथं तिष्ठ। एकाश्वमेक्योर्जनम्। एकचक्रमेक्धुरम्। वात्रप्राजिगतिं विभो। न रिष्यति न व्यथते॥५४॥

नास्याक्षो यातु सर्ज्ञति। यच्छ्वेतांन् रोहिताङ्श्राग्नेः। रथे युक्तवाऽधि-तिष्ठंति। एकया च दशभिश्चं स्वभूते। द्वाभ्यामिष्टये विश्वेतत्या च। तिसृभिश्च वहसे त्रिश्वेता च। नियुद्धिर्वायविह तां विमुञ्ज॥५५॥

आतेनुष्व प्रतेनुष्व। उद्धमऽऽधेम् सन्धेम। आदित्ये चन्द्रेवर्णानाम्।

गर्भमाधेहि यः पुमान्। इतः सिक्तः सूर्यगतम्। चन्द्रमेसे रसं कृधि। वारादं जनयायेऽग्निम्। य एको रुद्र उच्यते। असङ्खाताः सहस्राणि। स्मर्यते न च दृश्यते॥ ५६॥

एवमेतं निबोधत। आमन्द्रैरिन्द्र हरिभिः। याहि मयूर्ररोमभिः। मा त्वा केचिन्नियेमुरिन्न पाशिनः। दुधन्वेव ता ईहि। मा मन्द्रैरिन्द्र हरिभिः। यामि मयूर्ररोमभिः। मा मा केचिन्नियेमुरिन्न पाशिनः। निधन्वेव तां (२) ईमि। अणुभिश्च महद्भिश्च॥५७॥

निघृष्वैरस्मायुतैः। कालैर्हरित्वमापृन्नेः। इन्द्रऽऽयहि सहस्र्युक्। अग्निर्विभ्राष्टिवसनः। वायुः श्वेतिसकद्भुकः। संवत्सरो विष्वर्णैः। नित्यास्तेऽनुचरास्तव। सुब्रह्मण्योश सुब्रह्मण्योम्। इन्द्रऽऽगच्छ हरिव आगच्छ मेधातिथेः। मेष वृषणश्वेस्य मेने॥५८॥

गौरावस्कन्दिन्नहल्याये जार। कौशिकब्राह्मण गौतमंब्रुवाण। अरुणाश्चां इहार्गताः। वस्तवः पृथिविक्षितः। अष्टौदिग्वासंसोऽग्नयः। अग्निश्च जातवेदाश्चेत्येते। ताम्राश्चांस्ताम्ररथाः। ताम्रवणांस्तथा-ऽसिताः। दण्डहस्ताः खाद्ग्दतः। इतो रुद्धाः पराङ्गताः॥५९॥

उक्तङ् स्थानं प्रमाणं चं पुर् इत। बृह्स्पतिश्च सिवता चं। विश्वक्रिपेरिहऽऽगंताम्। रथेनोदक्वत्मेना। अप्सुषां इति तद्वयोः। उक्तो वेषो वासार्थस च। कालावयवानामितः प्रतीज्या। वासात्यां इत्यश्विनोः। कोऽन्तरिक्षे शब्दं करोतीति। वासिष्टो रौहिणो मीमार्थ्सां चके। तस्येषा भवति। वाश्रेवं विद्युदिति। ब्रह्मण उदर्रणमिस। ब्रह्मण उदीरणमिस। ब्रह्मण आस्तर्रणमिस। ब्रह्मण

उपस्तरंणमसि॥६०॥

·[१२]

[अपंकामत गर्भिण्यः]

अष्टयौनीम्प्टपुत्राम्। अष्टपेत्नीम्मां महीम्। अहं वेद् न में मृत्युः। न चामृत्युर्घाऽऽहंरत्। अष्टयौन्युष्टपुत्रम्। अष्टपेद्दिम्नत्तिरेक्षम्। अहं वेद् न में मृत्युः। न चामृत्युर्घाऽऽहंरत्। अष्टयौनीम्ष्टपुत्राम्। अष्टपेत्नीम्ममूं दिवम्॥६१॥

अहं वेद न में मृत्युः। न चामृत्युर्घाऽऽहरत्। सुत्रामणं महीमू षु। अदितिचौँरदितिर्न्तिरेक्षम्। अदितिर्माता स पिता स पुत्रः। विश्वे देवा अदितिः पञ्चजनाः। अदितिर्जातमदितिर्जनित्वम्। अष्टौ पुत्रासो अदितेः। ये जातास्तन्वः परि। देवां (२) उपप्रैत्सप्तभिः॥६२॥

प्रा मार्ताण्डमास्यत्। सप्तभिः पुत्रैरिदितिः। उपप्रैत्पूर्व्यं युगम्। प्रजाये मृत्यवे तत्। प्रा मार्ताण्डमाभरिदिति। ताननुक्रीमध्यामः। मित्रश्च वर्रुणश्च। धाता चार्यमा च। अश्रश्च भगश्च। इन्द्रश्च विवस्वाङ्श्चेत्येते। हिर्ण्यगभी ह्श्सः श्चेचिषत्। ब्रह्मजज्ञानं तिदत्पदिमिति। गर्भः प्राजापत्यः। अथु पुरुषः सप्त पुरुषः॥६३॥ [यथास्थानं गर्भिण्यः] [१३]

योऽसौ तपत्रुदेति। स सर्वेषां भूतानां प्राणानादायोदेति। मा में प्रजाया मा पंशूनाम्। मा ममं प्राणानादायोदंगाः। असौ यौऽस्तमेति। स सर्वेषां भूतानां प्राणानादायाऽस्तमेति। मा मै प्रजाया मा पेशूनाम्। मा ममे प्राणानादायाऽस्तेङ्गाः। असौ य आपूर्यति। स सर्वेषां भूतानां प्राणेरापूर्यति॥६४॥

मा मैं प्रजाया मा पंशूनाम्। मा ममं प्राणेरापूरिष्ठाः। असौ यौऽपक्षीयति। स सर्वेषां भूतानां प्राणेरपंक्षीयति। मा मैं प्रजाया मा पंशूनाम्। मा ममं प्राणेरपंक्षेष्ठाः। अमूनि नक्षंत्राणि। सर्वेषां भूतानां प्राणेरपंप्रसपंन्ति चोत्संपंन्ति च। मा मैं प्रजाया मा पंशूनाम्। मा ममं प्राणेरपंप्रसृपत् मोत्सृपत॥६५॥

इमे मासाँश्चार्धमासाश्चं। सर्वेषां भूतानां प्राणेरपंप्रसर्पन्ति चोत्संपिन्त च। मा में प्रजाया मा पंदानाम्। मा ममं प्राणेरपंप्रसृपत् मोत्सृंपत। इम ऋतवंः। सर्वेषां भूतानां प्राणेरपंप्रसपिन्ति चोत्संपिन्ति च। मा में प्रजाया मा पंदानाम्। मा ममं प्राणेरपंप्रसृपत् मोत्सृंपत। अयश् संवत्सरः। सर्वेषां भूतानां प्राणेरपंप्रसपिति चोत्संपिति च॥६६॥

मा में प्रजाया मा पंशूनाम्। मा ममं प्राणैरपंप्रसृप् मोत्सृप। इदमहंः। सर्वेषां भूतानां प्राणैरपंप्रसपिति चोत्संपित च। मा में प्रजाया मा पंशूनाम्। मा ममं प्राणैरपंप्रसृप् मोत्सृप। इयश रात्रिः। सर्वेषां भूतानां प्राणैरपंप्रसपिति चोत्संपिति च। मा में प्रजाया मा पंशूनाम्। मा ममं प्राणैरपंप्रसृप् मोत्सृप। ॐ भूभुंवः स्वंः। एतद्वो मिथुनं मा नो मिथुंनश रीष्ट्रम्॥६७॥

-[88]

अथऽऽदित्यस्याष्टपुंरुष्टस्य। वसूनामादित्यानाङ् स्थाने स्वतेर्जसा भानि। रुद्राणामादित्यानाङ् स्थाने स्वतेर्जसा भानि। आदित्यानामादित्यानाङ् स्थाने स्वतेर्जसा भानि। सतार्ससत्यानाम्। आदित्यानाङ् स्थाने स्वतेर्जसा भानि। अभिधृन्वती-मिम्नन्नताम्। वातवंतां मुरुताम्। आदित्यानाङ् स्थाने स्वतेर्जसा भानि। विश्वेषां देवानाम्। आदित्यानाङ् स्थाने स्वतेर्जसा भानि। विश्वेषां देवानाम्। आदित्यानाङ् स्थाने स्वतेर्जसा भानि। संवत्सरस्य स्वितुः। आदित्यस्य स्थाने स्वतेर्जसा भानि। ॐ भूर्भुवः स्वः। रइमयो वो मिथुनं मा नो मिथुनः रिद्वम्॥६८॥

[84]

आरोगस्य स्थाने स्वतेर्जसा भानि। भ्राजस्य स्थाने स्वतेर्जसा भानि। पटरस्य स्थाने स्वतेर्जसा भानि। पतङ्गस्य स्थाने स्वतेर्जसा भानि। स्वर्णरस्य स्थाने स्वतेर्जसा भानि। ज्योतिषीमतस्य स्थाने स्वतेर्जसा भानि। विभासस्य स्थाने स्वतेर्जसा भानि। कश्यपस्य स्थाने स्वतेर्जसा भानि। ॐ भूर्भुवः स्वंः। आपो वो मिथुनं मा नो मिथुन रिद्वम्॥६९॥

-[१६]

अथ वायोरेकाद्शपुरुषस्यैकाद्शंस्त्रीक्स्य। प्रभ्राजमानानाश् रुद्राणाः स्थाने स्वतेजंसा भानि। व्यवदातानाः रुद्राणाः स्थाने स्वतेजंसा भानि। वासुकिवैद्युतानाः रुद्राणाः स्थाने स्वतेजंसा भानि। रजतानाः रुद्राणाः स्थाने स्वतेजंसा भानि। परुषाणाः रुद्राणाः स्थाने स्वतेजंसा भानि। श्यामानाः रुद्राणाः स्थाने स्वतेजंसा भानि। कपिलानाः रुद्राणाः स्थाने स्वतेजंसा भानि। अतिलोहितानाः रुद्राणाः स्थाने स्वतेजंसा भानि। अर्ध्वानाः रुद्राणाः स्थाने स्वतेजंसा भानि॥७०॥ अवपतन्तानाः रुद्राणाः स्थाने स्वतेजंसा भानि। वैद्युतानाः रुद्राणाः स्थाने स्वतेजंसा भानि। प्रभ्राजमानीनाः रुद्राणीनाः स्थाने स्वतेजंसा भानि। व्यवदातीनाः रुद्राणीनाः स्थाने स्वतेजंसा भानि। वासुिकवेद्युतीनाः रुद्राणीनाः स्थाने स्वतेजंसा भानि। रजतानाः रुद्राणीनाः स्थाने स्वतेजंसा भानि। परुषाणाः रुद्राणीनाः स्थाने स्वतेजंसा भानि। उद्यामानाः रुद्राणीनाः स्थाने स्वतेजंसा भानि। उद्यामानाः रुद्राणीनाः स्थाने स्वतेजंसा भानि। अतिलोहितीनाः रुद्राणीनाः स्थाने स्वतेजंसा भानि। अतिलोहितीनाः रुद्राणीनाः स्थाने स्वतेजंसा भानि। अवपतन्तीनाः रुद्राणीनाः स्थाने स्वतेजंसा भानि। अवपतन्तीनाः रुद्राणीनाः स्थाने स्वतेजंसा भानि। वैद्युतीनाः रुद्राणीनाः स्थाने स्वतेजंसा भानि। अध्याने स्वतेजंसा भानि। स्थाने स्वतेजंसा भानि। अध्याने स्वतेजंसा भान

[१७]

अथाग्नेरष्टपुंरुष्टस्य। अग्नेः पूर्वदिश्यस्य स्थाने स्वतेर्जसा भानि। जातवेदस उपदिश्यस्य स्थाने स्वतेर्जसा भानि। सहोजसो दक्षिणदिश्यस्य स्थाने स्वतेर्जसा भानि। अजिराप्रभव उपदिश्यस्य स्थाने स्वतेर्जसा भानि। वैश्वानरस्यापरदिश्यस्य स्थाने स्वतेर्जसा भानि। नर्यापस उपदिश्यस्य स्थाने स्वतेर्जसा भानि। पङ्किराधस उदिश्यस्य स्थाने स्वतेर्जसा भानि। विसर्पिण उपदिश्यस्य स्थाने स्वतेर्जसा भानि। ॐ भूर्भुवः स्वः। दिशो वो मिथुनं मा नो मिथुनं रिष्ठम्॥ ७२॥

[१८]

दक्षिणपूर्वस्यां दिशि विसंपीं नुरकः। तस्मान्नः परिपाहि।

दक्षिणापरस्यां दिश्यविसीपीं नुरकः। तस्मान्नः पीरिपाहि। उत्तरपूर्वस्यां दिशि विषादी नुरकः। तस्मान्नः पीरिपाहि। उत्तरापरस्यां दिश्यविषादी नुरकः। तस्मान्नः पीरिपाहि। आ यस्मिन्त्सप्त वासवा इन्द्रियाणि शतक्रतिवित्येते॥७३॥

[१९]

इन्द्रघोषा वो वस्ंभिः पुरस्तादुर्पद्धताम्। मनौजवसो वः पितृभिर्दक्षिणत उपद्धताम्। प्रचेता वो रुद्रैः पश्चादुर्पद्धताम्। विश्वकर्मा व आदित्यैरुत्तरत उपद्धताम्। त्वष्टां वो रूपेरुपरिष्टादुर्प-द्धताम्। संज्ञानं वः पश्चादिति। आदित्यः सर्वोऽग्निः पृथिव्याम्। वायुर्न्तरिक्षे। सूर्यो दिवि। चन्द्रमा दिक्षु। नक्षत्राणि स्वलोके। एवा ह्येव। एवा ह्येग्ने। एवा हि वायो। एवा हीन्द्र। एवा हि पूषन्। एवा हि देवाः॥७४॥

-[२०]

आपंमापाम्पः सर्वौः। अस्माद्स्माद्तितोऽमुतः। अग्निर्वायुश्च सूर्यश्च। सह संश्चस्क्ररिद्धिया। वाय्वश्वां रिश्मपत्यः। मरीच्यात्मानो अद्भंहः। देवीर्भुवनसूर्वरीः। पुत्रवत्वायं मे सुत। महानाम्नीर्महामानाः। महसो महसः स्वः॥७५॥

देवीः पर्जन्यसूर्वरीः। पुत्रवत्वायं मे सुत। अपाश्यीष्णम्पा रक्षः। अपाश्यीष्णम्पारघम्। अपाष्ट्रामपंचावर्तिम्। अपदेवीरितो हित। वज्रं देवीरजीताङ्श्र। भुवनं देवसूर्वरीः। आदित्यानदितिं देवीम्। योनिनोर्ध्वमुदीषंत॥७६॥

भुद्रं कर्णेभिः श्रणुयामं देवाः। भुद्रं पश्येमाक्षभिर्यजेत्राः।

स्थिरेरङ्गैस्तुष्ट्रवाश् संस्तुन्भिः। व्यशेम देवहितं यदायुः। स्वस्ति न इन्द्रौ वृद्धश्रवाः। स्वस्ति नः पूषा विश्ववेदाः। स्वस्ति नस्ताक्ष्यों अरिष्टनेमिः। स्वस्ति नो बृह्स्पतिर्दधातु। केतवो अर्रुणासश्च। ऋष्यो वात्रर्श्चानाः। प्रतिष्ठाश् शत्यो हि। समाहितासो सहस्रधायसम्। शिवा नः शन्तमा भवन्तु। दिव्या आप् ओष्धयः। सुमृडीका सर्रस्वति। मा ते व्योम सन्दिश्ची॥७७॥

यौऽपां पुष्पं वेदं। पुष्पंवान् प्रजावान् पशुमान् भवति। चन्द्रमा वा अपां पुष्पम्। पुष्पंवान् प्रजावान् पशुमान् भवति। य एवं वेदं। यौऽपामायतेनं वेदं। आयतेनवान् भवति। अग्निर्वा अपामायतेनम्। आयतेनवान् भवति। यौऽग्नेरायतेनं वेदं॥७८॥

आयतंनवान् भवति। आपो वा अग्नेरायतंनम्। आयतंनवान् भवति। य एवं वेदं। योऽपामायतंनं वेदं। आयतंनवान् भवति। वायुर्वा अपामायतंनम्। आयतंनवान् भवति। यो वायोरायतंनं वेदं। आयतंनवान् भवति॥७९॥

आपो वै वायोरायतंनम्। आयतंनवान् भवति। य एवं वेदं। यौऽपामायतंनं वेदं। आयतंनवान् भवति। असौ वै तपंत्रपामायतंनम्। आयतंनवान् भवति। यौऽमुष्य तपंत आयतंनं वेदं। आयतंनवान् भवति। आपो वा अमुष्य तपंत आयतंनम्॥८०॥

आयतंनवान् भवति। य एवं वेदं। यौऽपामायतंनं वेदं। आयतंनवान् भवति। चन्द्रमा वा अपामायतंनम्। आयतंनवान् भवति। यश्चन्द्रमेस आयतेनं वेदे। आयतेनवान् भवति। आपो वै चन्द्रमेस आयतेनम्। आयतेनवान् भवति॥८१॥

य एवं वेदं। योऽपामायतंनं वेदं। आयतंनवान् भवति। नक्षंत्राणि वा अपामायतंनम्। आयतंनवान् भवति। यो नक्षंत्राणामायतंनं वेदं। आयतंनवान् भवति। आपो वै नक्षंत्राणामायतंनम्। आयतंनवान् भवति। य एवं वेदं॥८२॥

यौऽपामायतेनं वेदं। आयतेनवान् भवति। पूर्जन्यो वा अपामायतेनम्। आयतेनवान् भवति। यः पूर्जन्यस्यऽऽयतेनं वेदं। आयतेनवान् भवति। आपो वै पूर्जन्यस्यऽऽयतेनम्। आयतेनवान् भवति। य एवं वेदं। यौऽपामायतेनं वेदं॥८३॥

आयर्तनवान् भवति। संवत्सरो वा अपामायर्तनम्। आयर्तनवान् भवति। यः संवत्सरस्यऽऽयर्तनं वेदं। आयर्तनवान् भवति। आपो वै संवत्सरस्यऽऽयर्तनम्। आयर्तनवान् भवति। य एवं वेदं। यौऽप्सु नावं प्रतिष्ठितां वेदं। प्रत्येव तिष्ठति॥८४॥

इमे वै लोका अप्सु प्रतिष्ठिताः। तदेषाऽभ्यनूँका। अपाश् रस्ममुद्रेयश्सन्न्। सूर्ये शुक्रश् समाभृतम्। अपाश् रसंस्य यो रसंः। तं वो गृह्णाम्युत्तममिति। इमे वे लोका अपाश् रसंः। तेऽमुष्मिन्नादित्ये समाभृताः। जानुद्व्रीमृत्तरवेदीं खात्वा। अपां पूरियत्वा गुल्फद्व्रम्॥८५॥

पुष्करपर्णैः पुष्करदण्डैः पुष्करेश्चं सङ्स्तीर्य। तस्मिन्विहायसे। अग्निं प्रणीयौपसमाधायं। ब्रह्मवादिनौ वदन्ति। कस्मौत्प्रणीते-ऽयमग्निश्चीयतै। साप्रणीतेऽयमप्सु ह्ययं चीयतै। असौ भुवेनेप्यनिहिताग्निरेताः। तम्भितं एता अबीष्टंका उपद्धाति। अग्निहोत्रे देर्शपूर्णमासयौः। पुशुबन्धे चतिर्मास्येषु॥८६॥

अथौ आहुः। सर्वेषु यज्ञकृतुष्विति। एतर्द्धस्म वा आहुः शण्डिलाः। कम्। चिनुते। सित्रियम्। चिन्वानः। सिवत्सरं प्रत्यक्षेण। कम्। धिनुते। सावित्रम्। चिन्वानः। अमुमादित्यं प्रत्यक्षेण। कम्। चिनुते॥८७॥

नाचिकेतम्प्रिं चिन्वानः। प्राणान्य्रत्यक्षेण। कम्प्रिं चिनुते। चातुर्होत्रियम्प्रिं चिन्वानः। ब्रह्मं प्रत्यक्षेण। कम्प्रिं चिनुते। वैश्वसृजम्प्रिं चिन्वानः। शरीरं प्रत्यक्षेण। कम्प्रिं चिनुते। उपानुवाक्यमाशुम्प्रिं चिन्वानः॥८८॥

इमाँ ह्योकान्य्रत्यक्षेण। कम्प्रिं चिनुते। इमम्रोरुणकेतुकम्प्रिं चिन्वान इति। य एवासौ। इतश्चाऽमृतश्चाऽव्यतीपाती। तमिति। यौऽग्नेमिंथूया वेदे। मिथुनवान्भवति। आपो वा अग्नेमिंथूयाः। मिथुनवान्भवति। य एवं वेदे॥८९॥

[22]

आपो वा इदमासन्त्सिक्तमेव। स प्रजापितिरेक्तः पुष्करपणें सम्भवत्। तस्यान्तर्मनिस कामः समवर्तत। इदः सृजेयमिति। तस्माचत्पुरुषो मनसाऽभिगच्छिति। तद्वाचा वदिति। तत्कर्मणा करोति। तदेषाऽभ्यनूक्ता। कामस्तद्ये समवर्तताधि। मनसो रेतेः प्रथमं यदासीत्॥९०॥

सतो बन्धुमसिति निरिविन्दन्न्। हृदि प्रतीष्यां कवयौ मनीषेति। उपैनन्तदुपनमित। यत्कामो भवति। य एवं वेदे। स तपौऽतप्यत। स तपंस्तृह्वा। शरीरमधूनुत। तस्य यन्मा<u>श्</u>समासीत्। ततौऽरुणाः केतवो वातरशना ऋषय उदितिष्ठन्न्॥ ९१॥

ये नर्खाः। ते वैखानुसाः। ये वालाः। ते वालिखिल्याः। यो रसः। सौऽपाम्। अन्तर्तः कूर्मं भूतश् सर्पन्तम्। तमेब्रवीत्। मम् वैत्वङ्माश्सा। समेभूत्॥९२॥

नेत्यंब्रवीत्। पूर्वेमेवाहिमहासिमिति। तत्पुरुषस्य पुरुषत्वम्। स सहस्रंशीर्षा पुरुषः। सहस्राक्षः सहस्रंपात्। भूत्वोदितिष्ठत्। तमंब्रवीत्। त्वं वै पूर्वर्ं समंभूः। त्विमदं पूर्वः कुरुष्वेति। स इत आदायापः॥९३॥

अञ्जलिनां पुरस्तांदुपादंधात्। एवाद्येवेतिं। ततं आदित्य उदितिष्ठत्। सा प्राची दिक्। अथांऽरुणः केतुर्दक्षिणत उपादंधात्। एवाद्यम्न इति। ततो वा अग्निरुदितिष्ठत्। सा दक्षिणा दिक्। अथांरुणः केतुः पृश्चादुपादंधात्। एवा हि वायो इति॥९४॥

ततौ वायुरुदंतिष्ठत्। सा प्रतीची दिक्। अथारुणः केतुरुत्तर्त उपादंधात्। एवाहीन्द्रेति। ततो वा इन्द्र उदंतिष्ठत्। सोदीची दिक्। अथारुणः केतुर्मध्यं उपादंधात्। एवा हि पूषिन्निति। ततो वै पूषोदंतिष्ठत्। सेयं दिक्॥९५॥

अथारुणः केतुरुपरिष्टादुपादंघात्। एवा हि देवा इति। ततौ देवमनुष्याः पितर्रः। गन्धर्वाप्सरस्रश्चोदंतिष्ठन्न। सोर्ध्वा दिक्। या विप्रुषौ विपरापतन्न्। ताभ्योऽसुरा रक्षार्श्ति पिशाचाश्चोदंतिष्ठन्न्। तस्मात्ते पराभवन्न्। विप्रुङ्गो हि ते समभवन्न्। तदेषाऽभ्यनूँक्ता॥९६॥

आपौ ह यहृंहतीर्गर्भमायन्न्। दक्षं द्धांना जनयन्तीः स्वयम्भुम्। ततं इमेध्यसृंज्यन्त सर्गाः। अञ्चो वा इद्र सम्भूत्। तस्मद्दिद् सर्वं ब्रह्मं स्वयम्भवति। तस्मद्दिद् सर्वं ब्रह्मं स्वयम्भवति। तस्मद्दिद् सर्वं ब्रह्मं स्वयम्भवति। तस्मद्दिद् सर्वं ब्रह्मं स्वयम्भवति। तस्मदिद् सर्वं ब्रह्मं स्वयम्भवति। तप्तादिद् तत्। अग्रत्मनाऽऽत्मानं विधायं। तदेवानुप्राविद्यात्। तदेषाऽभ्यनूक्ता॥९७॥ विधायं लोकान् विधायं भूतानि। विधायं सर्वाः प्रदिशो दिश्रंश्च। प्रजापतिः प्रथमजा ऋतस्यं। आत्मनाऽऽत्मानंमिभ संविवेशेति।

वेद्॥९८॥

[२३]

चतुष्टय्य आपौ गृह्णाति। चत्वारि वा अपाश रूपाणि। मेघौ विद्युत्। स्तुन्यिलुर्वृष्टिः। तान्येवावंरुन्धे। आतपिति वर्ष्यौ गृह्णाति। ताः पुरस्तादुर्पदधाति। एता वै ब्रह्मवर्चस्या आपः। मुखत एव ब्रह्मवर्चसमवंरुन्धे। तस्मौन्मुखतो ब्रह्मवर्चिसतंरः॥९९॥

कूप्यां गृह्णाति। ता दक्षिणत उपद्धाति। प्ता वै तेंजिस्वनीरापः। तेजं प्वास्यं दक्षिणतो दंधाति। तस्माद्दक्षिणोऽर्धस्तेजस्वितरः। स्थावरा गृह्णाति। ताः पश्चादुपंदधाति। प्रतिष्ठिता वै स्थावराः। पश्चादेव प्रतितिष्ठति। वर्द्यन्तीर्गृह्णाति॥१००॥

ता उत्तर्त उपंद्धाति। ओजंसा वा एता वहंन्तीरिवोद्गंतीरिव आकूजंतीरिव धावंन्तीः। ओजं एवास्यौत्तर्तो दंधाति। तस्मादुत्तरोऽधं ओजस्वतंरः। सम्भार्या गृह्णाति। ता मध्य उपंदधाति। इयं वै संम्भार्याः। अस्यामेव प्रतितिष्ठति। पुल्वल्या गृह्णाति। ता उपरिष्टादुपाद्धाति॥१०१॥

असौ वै पेल्वयाः। अमुष्यमिव प्रतितिष्ठति। दिक्षूपंदधाति। दिक्षु वा आपः। अञ्चं वा आपः। अञ्चो वा अञ्चं जायते। यदेवज्ञोऽञ्चं जायते। तदर्वरुन्धे। तं वा एतर्मरुणाः केतवो वार्तरञ्चाना ऋषयोऽचिन्वन्न। तस्मोदारुणकेतुकः॥१०२॥

तदेषाऽभ्यनूँका। केतवो अर्रुणासश्च। ऋष्यो वार्तरञ्चनाः। प्रतिष्ठाः श्वतधां हि। समाहितासो सहस्रधायंसमिति। श्वतशंश्चेव सहस्रशश्च प्रतितिष्ठति। य एतम्प्रिं चिनुते। य उचैनमेवं वेदं॥१०३॥

[२४]

जानुद्ग्नीमुत्तरवेदीं खात्वा। अपां पूरयति। अपाः सर्वत्वायं। पुष्करपणः रुकां पुरुषमित्युपंदधाति। तपो वै पुष्करपणम्। सत्यः रुकाः। अमृतं पुरुषः। एतावृद्वा वाऽस्ति। यावंदेतत्। यावंदेवास्ति॥१०४॥

तद्वरुन्धे। कूर्ममुपंद्धाति। अपामेव मेधमवरुन्धे। अथौ स्वर्गस्य लोकस्य समिष्टौ। आपंमापामपः सवौः। अस्माद्स्मादितोऽमुतः। अग्निर्वायुश्च सूर्यश्च। सह संश्चस्क्ररिष्धैया इति। वाय्वश्ची रिमपतयः। लोकं पृणिच्छिद्रं पृण॥१०५॥

यास्तिस्रः परमजाः। इन्द्रघोषा वो वसुभिरेवाह्येवेति। पञ्चचित्यं उपद्धाति। पाङ्कोऽग्निः। यार्वानेवाग्निः। तं चिनुते। लोकं पृणया द्वितीयामुपद्धाति। पञ्चं पदा वै विराट्। तस्या वा इयं

पादः। अन्तरिक्षं पादः। द्यौः पादः। दिशः पादः। प्रोरंजाः पादः। विराज्येव प्रतितिष्ठति। य एतम्प्रिं चिनुते। य उचैनमेवं वेदं॥१०६॥

[२५]

अग्निं प्रणीयौपसमाधायं। तम्भित एता अबीष्टका उपद्धाति। अग्निहोत्रे देर्शपूर्णमासयौः। प्रशुबन्धे चांतुर्मास्येषुं। अथौ आहुः। सर्वेषुं यज्ञकृतुष्विति। अर्थ ह स्माहारुणः स्वायम्भुवंः। सावित्रः सर्वोऽग्निरित्यनंनुषङ्गं मन्यामहे। नाना वा एतेषां वीयोणि। कम्ग्निं चिनुते॥१०७॥

सित्रियमित्रं चिन्वानः। कमित्रं चिनुते। सावित्रमित्रं चिन्वानः। कमित्रं चिनुते। नाचिकेतमित्रं चिन्वानः। कमित्रं चिनुते। चातुर्होत्रियमित्रं चिन्वानः। कमित्रं चिनुते। वैश्वसृजमित्रं चिन्वानः। कमित्रं चिनुते॥१०८॥

उपानुवाक्यमाशुम्राश्चे चिन्वानः। कम्राश्चे चिनुते। इममारुणकेतुक-मृश्चिं चिन्वान इति। वृषा वा अग्निः। वृषाणौ सङ्स्फालयेत्। हन्येतास्य युज्ञः। तस्मान्नानुषज्यः। सोत्तरवेदिषु कृतुषु चिन्वीत। उत्तरवेद्याङ् ह्यंग्निश्चीयतै। प्रजाकामश्चिन्वीत॥१०९॥

प्राजापत्यो वा एषौँऽग्निः। प्राजापत्याः प्रजाः। प्रजावान् भवति। य एवं वेदं। प्रशुकांमश्चिन्वीत। संज्ञानं वा एतत् पंराूनाम्। यदापंः। प्राूनामेव संज्ञानेऽग्निं चिनुते। प्रशुमान् भवति। य एवं वेदं॥११०॥ वृष्टिकामश्चिन्वीत। आपो वै वृष्टिः। पूर्जन्यो वर्षुको भवति। य एवं वेदं। आमयावी चिन्वीत। आपो वै भेषजम्। भेषजमेवास्मै करोति।

सर्वमायुरेति। अभिचरङ्कश्चिन्वीत। वज्रो वा आपः॥१११॥ वर्जमेव भ्रातृंव्येभ्यः प्रह्रंरति। स्तृणुत एनम्। तेजस्कामो यशस्कामः। ब्रह्मवर्चसकामः स्वर्गकामश्चिन्वीत। एतावद्वा वाँऽस्ति। यावंदेतत्। यावंदेवास्ति। तदवंरुन्धे। तस्यैतद्वतम्। वर्षिति न धावेत्॥११२॥

अमृतं वा आपः। अमृतस्यानन्तरित्यै। नाप्सु मूत्रेपुरीषं कुर्यात्। न निष्ठीवेत्। न विवसनः स्नायात्। गुह्यो एषौंऽग्निः। एतस्याग्नेरनितदाहाय। न पुष्करपूर्णानि हिर्रण्यं वाऽधितिष्ठैत्। एतस्याग्नेरनभ्यारोहाय। न कूर्मस्याश्नीयात्। नोदकस्याघातुंकान्येनमोदकानि भवन्ति। अघातुंका आपः। य एतमिशं चिनुते। य उचैनमेवं वेद्॥११३॥

इमानुंकं भुवना सीषधेम। इन्द्रंश्च विश्वे च देवाः। युज्ञं च नस्तन्वं चे प्रजां चे। आदित्यैरिन्द्रेः सह सीषधातु। आदित्यैरिन्द्रः सर्गेणो मुरुद्धिः। अस्माकं भूत्विवता तुनूनाम्। आष्ठवस्व प्रष्ठवस्व। आण्डीर्भवज् मा मुहुः। सुखादीन्दुःखिन्धनाम्। प्रतिमुञ्चस्व स्वां पुरम्॥११४॥

मरीचयः स्वायम्भुवाः। ये शरीराण्यकल्पयन्न्। ते ते देहं केल्पयन्तु। मा चे ते ख्यास्मं तीरिषत्। उत्तिष्ठत मा स्वप्त। अग्निमिच्छध्वं भारताः। राज्ञः सोमस्य तृप्तासंः। सूर्येण स्युजोषसः। युवां सुवासाः। अष्टाचेका नर्वद्वारा॥११५॥

देवानां पूर्रयोध्या। तस्यार्थं हिरण्मयः कोशः। स्वर्गो लोको

ज्योतिषाऽऽवृंतः। यो वै तां ब्रह्मणो वेद। अमृतेनऽऽवृतां पुरीम्। तस्मै ब्रह्म च ब्रह्मा च। आयुः कीर्ति प्रजां दुः। विभ्राजमाना<u>र</u> हरिणीम्। यशसां सम्परीवृंताम्। पुर्र हिरण्मयीं ब्रह्मा॥११६॥

विवेशांऽपराजिता। पराङेत्यंज्यामयी। पराङेत्यंनाशकी। इह चांमुत्रं चान्वेति। विद्वान्देवासुरानुभयान्। यत्कुंमारी मन्द्रयंते। यद्योषिद्यत्पंतिव्रतां। अरिष्टं यत्किं चं क्रियतें। अग्निस्तदनुवेधति। अश्वतांसः श्वेतासुश्च॥११७॥

युज्वानो येऽप्यंयुज्वनः। स्वर्यन्तो नापैक्षन्ते। इन्द्रेम्पिः चं ये विदुः। सिकता इव संयन्ति। रिश्निभः समुदीरिताः। अस्माल्लोकादंमुष्माच। ऋषिभिरदात्पृश्लिभिः। अपेत वीत वि चं सर्पतातः। येऽत्र स्थ पुराणा ये च नूर्तनाः। अहौभिरद्भिरकु-भिर्व्यक्तम्॥११८॥

यमो दंदात्ववसानंमस्मै। नृ मुंणन्तु नृपात्वर्यः। अकृष्टा ये च कृष्टंजाः। कुमारीषु कनीनीषु। जारिणीषु च ये हिताः। रेतः पीता आण्डंपीताः। अङ्गरिषु च ये हुताः। उभयान् पुत्रंपौत्रकान्। युवेऽहं यमराजंगान्। शतमिन्नु श्ररदः॥११९॥

अदो यद्ग्रह्मं विल्वम्। पितृणां चं यमस्यं च। वर्रुणस्याश्विनोर्ग्नेः। मुरुतां च विहायसाम्। कामप्रयवणं मे अस्तु। स ह्येवास्मि सुनातनः। इति नाको ब्रह्मिश्रवो रायो धनम्। पुत्रानापो देवीरिहऽऽहित॥१२०॥

[२७]

विशीर्ष्णीं गृघ्रंशीर्ष्णीं च। अपेतौ निर्ऋतिश हथः। परिबाधः श्वेतकुक्षम्। निजङ्गः शब्लोदंरम्। स तान् वाच्यायया सह। अग्ने नाश्चय सन्दर्शः। ईर्ष्यासूये बुंभुक्षाम्। मन्युं कृत्यां चं दीधिरे। रथेन किश्शुकावंता। अग्ने नाश्चय सन्दर्शः॥१२१॥

-[२८]

पूर्जन्याय प्रगायत। दिवस्पुत्रायं मीढुषै। स नौ यवसंमिच्छतु। इदं वर्चः पूर्जन्याय स्वराजै। हृदो अस्त्वन्तर्नर्न्तर्ययोत। मयोभूर्वातौ विश्वकृष्टयः सन्त्वस्मे। सुपिप्पुला ओषंधीर्देवगौपाः। यो गर्भमोषंधीनाम्। गर्वां कृणोत्यविताम्। पूर्जन्यः पुरुषीणाम्॥ १२२॥ [२९]

पुनर्मामैत्विन्द्रियम्। पुनरायुः पुनर्भगः। पुनर्बाह्मणमैतु मा। पुनर्द्रविणमैतु मा। यन्मेऽद्य रेतः पृथिवीमस्कान्। यदोषंधीरप्यसंर्घदापः। इदं तत्पुनरादंदे। दीर्घायुत्वाय वर्चसे। यन्मे रेतः प्रसिच्यते। यन्म आजायते पुनः। तेन माममृतं कुरु। तेन सुप्रजसं कुरु॥१२३॥

[30]

अद्यस्तिरोऽधाऽजायत। तर्व वैश्रवणः संदा। तिरौऽधेहि सपुलान्नः। ये अपोऽश्नन्ति केचन। त्वाष्ट्रीं मायां वैश्रवणः। रथर्थं सहस्रवन्धुरम्। पुरुश्चक्रः सहस्राश्वम्। आस्थायायाहि नो बुलिम्। यस्मै भूतानि बुलिमार्वहन्ति। धनुं गावो हस्ति हिर्रण्यमश्चान्॥१२४॥

असाम सुमृतौ युज्ञियस्य। श्रियं बिभ्रुतोऽन्नमुखीं विराजम्।

सुद्र्शने चे क्रौश्चे चे। मैनागे चे महागिरौ। श्वतद्वाद्वारंगमन्ता। स्ट्रहार्यं नगरं तवे। इति मन्त्राः। कल्पोऽत ऊर्ध्वम्। यद्वि बल्टिट्ट हरौत्। हिर्ण्यनाभये वितुद्ये कोबेरायायं बेलिः॥१२५॥

सर्वभूताधिपतये नम इति। अथ बिलश् हत्वोपितिष्ठेत। क्षत्रं क्षत्रं वैश्रवणः। ब्राह्मणां वयु स्मः। नमस्ते अस्तु मा मां हिश्सीः। अस्मात्प्रविश्यान्नमद्धीति। अथ तमग्निमाद्धीत। यस्मिन्नेतत्कर्म प्रयुत्जीत। तिरोऽधा भूः। तिरोऽधा भुवंः॥१२६॥

तिरोऽधाः स्वः। तिरोऽधा भूर्भुवः स्वः। सर्वेषां लोकानामाधिपत्ये सीदेति। अथ तमग्निमिन्धीत। यस्मिन्नेतत्कर्म प्रयुञ्जीत। तिरोऽधा भूः स्वाहाँ। तिरोऽधा भुवः स्वाहाँ। तिरोऽधाः स्वः स्वाहाँ। तिरोऽधा भूर्भुवः स्वः स्वाहाँ। यस्मिन्नस्य काले सर्वा आहुतीर्हुतां भवेयुः॥१२७॥

अपि ब्राह्मणंमुखीनाः। तस्मिन्नहः काले प्रयुञ्जीत। पर्रः सुप्तर्जनाद्वेपि। मास्म प्रमाद्यन्तंमाध्यापयेत्। सर्वार्थाः सिद्धन्ते। य एवं वेद्। क्षुध्यन्निद्मजानताम्। सर्वार्था नं सिद्धन्ते। यस्ते विघातुंको भ्राता। ममान्तर्हृदये श्रितः॥१२८॥

तस्मा इममग्रपिण्डं जुहोमि। स मैंऽर्थान्मा विविधीत्। मिय स्वाहाँ। राजाधिराजायं प्रसह्यसाहिनैं। नमों वयं वैश्रवणायं कुर्महे। स में कामान्कामकामाय मह्यम्। कामेश्वरो वैश्रवणो दंदात्। कुबेरायं वैश्रवणायं। महाराजाय नमः। केतवो अर्फणासश्च। ऋषयो वार्तरश्चनाः। प्रतिष्ठाः श्वातधां हि। समाहितासो सहस्रधायंसम्। श्वावा नः शन्तमा भवन्तु। दिव्या आप ओषधयः। सुमृडीका

सर्रस्वति। मा ते व्योम सुन्दर्शि॥१२९॥

-[३१]

संवत्सरमेतेद्वतं चरेत्। द्वौ वा मासौ। नियमः सेमासेन। तस्मिन्नियमेविशोषाः। त्रिषवणमुद्कौपस्पर्शी। चतुर्थकालपानेभक्तः स्यात्। अहरहर्वा मैक्षेमश्चीयात्। औदुम्बरीभिः समिद्धिरिशं परिचरेत्। पुनर्मामैक्तिन्द्रियमित्येतेनऽनुवाकेन। उद्युतपरिपूताभि-रिद्धः कार्यं कुर्वीत॥१३०॥

असञ्चयवान्। अग्नये वायवे सूर्याय। ब्रह्मणे प्रजापतये। चन्द्रमसे नक्षत्रेभ्यः। ऋतुभ्यः संवंत्सराय। वरुणायारुणायेति व्रंतहोमाः। प्रवर्ग्यवंदादेशः। अरुणाः काण्डऋषयः। अरुण्येऽधीयीरन्न्। भद्रं कर्णीभिरिति द्वे जिपत्वा॥१३१॥

महानाम्नीभिरुद्कः संङ्स्प्इर्य। तमाचार्यो द्वात्। शिवा नः शन्तमेत्योषधीरालभते। सुमृडीकेति भूमिम्। एवमपवर्गे। धेनुर्द्क्षिणा। कःसं वासंश्च क्ष्णेमम्। अन्यद्वा शुक्कम्। यथाशक्ति वा। एवङ्स्वाध्यायधर्मेण। अरण्येऽधीयीत। तपस्वी पुण्यो भवति तपस्वी पुण्यो भवति॥१३२॥

.[३२]

भद्रं कर्णीभिः शृणुयामं देवाः। भद्रं पंश्येमाक्षभिर्यजेत्राः। स्थिरेरङ्गैस्तुष्टुवाश् संस्तुन्सिः। व्यशेम देवहितं यदायुः। स्वस्ति न इन्द्रौ वृद्धश्रेवाः। स्वस्ति नः पूषा विश्ववेदाः। स्वस्ति नस्ताक्ष्यौ अरिष्टनेमिः। स्वस्ति नो बृह्स्पतिर्दधातु॥ अरुणप्रश्नः 31

॥ ॐ शान्तिः शान्तिः शान्तिः॥

प्रथमः प्रश्नः

॥ कृष्णयजुर्वेदीयतैत्तिरीय-काठकम्॥

॥ प्रथमः प्रश्नः ॥

संज्ञानं विज्ञानं प्रज्ञानं जानदेभिजानत्। सङ्कल्पेमानं प्रकल्पेमानमुपकल्पेमानमु क्रुप्तम्। श्रेयो वसीय आयत्सम्भूतं भूतम्। चित्रः केतुः प्रभानाभान्त्सम्भान्। ज्योतिष्माङ्क्तेजेस्वानातपङ्क्तपेन्नभितपन्। रोचना रोचेमानः शोभनः शोभेमानः कल्याणः। दशी दृष्टा देशिता विश्वरूपा सुदर्शना। आप्यायमाना प्यायमाना प्याया सुनृतेरां। आपूर्यमाणा पूर्यन्ती पूर्णा पौर्णमासी। दाता प्रदाताऽऽनुन्दो मोदः प्रमोदः॥१॥

आवेशयित्रवेशयैन्त्संवेशेनः सश्शौन्तः शान्तः। आभवेन्यभवैन्त्-सम्भवन्त्सम्भूतो भूतः। प्रस्तुतं विष्ठुत्रः सङ्स्तुतं कल्याणं विश्वरूपम्। शुक्रम्मृतं तेजिस्व तेजः सिमिद्धम्। अरुणं भानुमन्मरीचिमदभितपत्तपंस्वत्। सिवता प्रसिवता दीप्तो दीपयन्दीप्यमानः। ज्वलेञ्चिता तपिन्वतपैन्त्सन्तपन्। रोचनो रोचेमानः शुम्भूः शुम्भमानो वामः। सुता सुन्वती प्रसुता सूयमानाऽभिष्यमाणा। पीती प्रपा सम्पा तृप्तिस्तुर्पयन्ती॥२॥

कान्ता काम्या कामजाताऽऽयुष्मती कामदुघाँ। अभिशास्ताऽ-नुमन्ताऽऽनन्दो मोद्रं प्रमोदः। आसादयिन्नषादयैन्त्स्रश्साद्रेनः सश्सेन्नः सन्नः। आभूर्विभूः प्रभूः शम्भूर्भुवंः। पवित्रं पविधिष्यन्यूतो मेध्यः। यशो यश्चस्वानायुर्मृतंः। जीवो जीविष्यन्त्स्वर्गो लोकः। सहस्वान्त्सहीयानोजस्वान्त्सहमानः। जयन्निमजयैन्त्सुद्रविणो द्रविणोदाः। आर्द्रपवित्रो हरिकेशो मोदः प्रमोदः॥३॥

अरुणोऽरुणरंजाः पुण्डरीको विश्वजिद्भिजित्। आर्द्रः पिन्वमानोऽन्नवान्नसंवानिरावान्। सर्वोषधः सम्भरो महस्वान्। एजत्का जोवत्काः। क्षुळ्ळकाः शिपिविष्टकाः। सरिस्तराः सुशेर्रवः। अजिरासो गमिष्णवः। इदानी तदानीमेतर्हि श्विप्रमंजिरम्। आशुनिमेषः फुणो द्रवन्नतिद्रवन्। त्वर्ङ्स्त्वरमाण आशुराशीयाञ्चवः। अग्निष्टोम उक्थ्योऽतिरात्रो द्विरात्रस्त्रिरात्रश्चेत्रात्रः। अग्निर्ऋतुः सूर्यं ऋतुश्चन्द्रमां ऋतुः। प्रजापंतिः संवत्सरो महान्कः॥४॥

\{\}

भूरिप्तं च पृथिवीं च मां चे। त्रीश्र्यं लोकान्त्संवत्सरं चे। प्रजापितस्त्वा सादयत्। तयां देवत्याऽिक्षर्स्वद्भुवा सीद। भवीं वायुं चान्तिरक्षं च मां चे। त्रीश्र्यं लोकान्त्संवत्सरं चे। प्रजापितस्त्वा सादयत्। तयां देवत्याऽिकष्र्रस्वद्भुवा सीद। स्वरादित्यं च दिवं च मां चे। त्रीश्र्यं लोकान्त्संवत्सरं चे। प्रजापितस्त्वा सादयत्। तयां देवत्याऽिकष्रस्वद्भुवा सीद। भूर्भुवः स्वश्चन्द्रमसं च दिश्रश्च मां चे। त्रीश्र्यं लोकान्त्संवत्सरं चे। प्रजापितस्त्वा सादयत्। तयां देवत्याऽिकष्रस्वद्भुवा सीद। भूर्भुवः स्वश्चन्द्रमसं च दिश्रश्च मां चे। त्रीश्र्यं लोकान्त्संवत्सरं चे। प्रजापितस्त्वा सादयत्। तयां देवत्याऽिकष्रस्वद्भुवा सीद॥५॥

-[२]

त्वमेव त्वां वैत्थ यौऽिस सोऽिस। त्वमेव त्वामचैषीः। चितश्चासि सिश्चितश्चास्यग्ने। एतावाङ्श्चासि भूयाईश्चास्यग्ने। यत्ते अग्ने न्यूनं यद्व तेऽितिरिक्तम्। आदित्यास्तदिङ्गरसिश्चन्वन्तु। विश्वे ते

देवाश्चितिमापूरयन्तु। चितश्चासि सिच्चितश्चास्यग्ने। एतावाङ्श्चासि भूया 🖢 श्चास्यग्ने। मा ते अग्ने च येन माऽति च येनाऽऽयुरावृक्षि। सर्वेषां ज्योतिषां ज्योतिर्यदुदावुदेति । तपसो जातमनिभृष्टमोर्जः। तत्ते ज्योतिरिष्टके। तेन मे तप। तेन मे ज्वल। तेन मे दीदिहि। यावदेवाः। यावदसाति सूर्यः। यावदुतापि ब्रह्मं॥६॥ -[३]

संवत्सरौऽसि परिवत्सरौऽसि। इदावत्सरौऽसीदुवत्सरौऽसि। इद्वत्सरोऽसि वत्सरोऽसि। तस्यं ते वसन्तः शिरंः। ग्रीष्मो ___ दक्षिणः पुक्षः। <u>वर्</u>षाः पुच्छम्। <u>शु</u>रदुत्तरः पुक्षः। हेमुन्तो मध्यम्। पूर्वपक्षाश्चित्यः। अपरपक्षाः पुरीषम्॥७॥

अहोरात्राणीष्टंकाः। ऋष्मोऽसि स्वर्गो लोकः। यस्यौ दिशि महीयसे। ततौ नो मह आवह। वायुर्भूत्वा सर्वा दिश आविहि। सर्वा दिशोऽनुविवाहि। सर्वा दिशोऽनुसंवाहि। चित्त्या चितिमापृण। अचित्त्या चितिमापृण। चिदंसि समुद्रयोनिः॥८॥

इन्दुर्दक्षः रुयेन ऋतावा। हिर्रण्यपक्षः राकुनो भुर्ण्युः। महान्त्स्घस्थै ध्रुव आनिषंत्तः। नर्मस्ते अस्तु मा मा हिश्सीः। एति प्रेति वीति समित्युदिति। दिवं मे यच्छ। अन्तरिक्षं मे यच्छ। पृथिवीं में यच्छ। पृथिवीं में यच्छ। अन्तरिक्षं मे यच्छ। दिवं मे यच्छ। अह्ना प्रसारय। रात्र्या समेच। रात्र्या प्रसारय। अह्ना समेच। कामं प्रसारय। कामः समेच॥९॥

भूर्भुवः स्वः। ओजो बलम्। ब्रह्मं क्षत्रम्। यशौ महत्। सत्यं तपो

नामं। रूपममृतम्। चक्षुः स्रोत्रम्। मन् आयुः। विश्वं यशौ महः। समं तपो हरो भाः। जातवेदा यदि वा पावकोऽसि। वैश्वानरो यदि वा वैद्युतोऽसि। शं प्रजाभ्यो यर्जमानाय लोकम्। ऊर्जं पृष्टिं ददंदभ्याववृत्स्व॥१०॥

–[५]

राज्ञी विराज्ञी। सम्राज्ञी स्वराज्ञी। अर्चिः शोचिः। तपो हरो भाः। अग्निरिन्द्रो बृह्स्पितिः। विश्वे देवा भुवनस्य गोपाः। ते मा सर्वे यश्नीसा स॰सृजन्तु॥११॥

-[६]

असंवे स्वाह्य वसंवे स्वाहाँ। विभुवे स्वाह्य विवस्वते स्वाहाँ। अभिभुवे स्वाहाऽधिपतये स्वाहाँ। दिवां पत्तेये स्वाहाऽ रहस्पत्याय स्वाहाँ। चाक्षुष्मत्याय स्वाहाँ ज्योतिष्मत्याय स्वाहाँ। राज्ञे स्वाहां विराज्ञे स्वाहाँ। सम्माज्ञे स्वाहाँ स्वराज्ञे स्वाहाँ। शूषाय स्वाहा सूर्योय स्वाहाँ। चन्द्रमंसे स्वाह्य ज्योतिषे स्वाहाँ। सुरसपीय स्वाहां कृत्याणांय स्वाहाँ। अर्जुनाय स्वाहाँ॥१२॥

[e]-

विपश्चिते पर्वमानाय गायत। मही न धाराऽत्यन्धौ अर्षित। अहिर्ह जीर्णामितिसर्पिति त्वचम्। अत्यो न क्रीडिन्नसर्द्वृषा हरिः। उपयामगृहीतोऽसि मृत्यवै त्वा जुष्टं गृह्णामि। एष ते योनिर्मृत्यवै त्वा। अपंमृत्युमपृक्षुधम्। अपेतः श्रापथं जहि। अधा नो अग्र आर्वह। रायस्पोष्टं सहस्रिणम्॥१३॥

ये ते सहस्रमयुतं पाशाः। मृत्यो मत्यीय हन्तवे। तान् यज्ञस्य

मायया। सर्वानवयजामहे। भुक्षौऽस्यमृतभुक्षः। तस्यं ते मृत्युपीतस्यामृतवतः। स्वगाकृतस्य मधुमतः। उपहृतस्योपहृतो भक्षयामि। मुन्द्राऽभिभूतिः केतुर्यज्ञानां वाक्। असावहि॥१४॥

अन्धो जागृंविः प्राण। असावेहि। बिधर आक्रन्दियतरपान। असावेहि। अहस्तोस्त्वा चक्षुः। असावेहि। अपादाशो मनः। असावेहि। कवे विप्रचित्ते श्रोत्रं। असावेहि॥१५॥

सुह्रस्तः सुवासाः। शूषो नामास्यमृतो मर्त्येषु। तं त्वाऽहं तथा वेदं। असावेहि। अग्निमें वाचि श्रितः। वाग्घृदंये। हृदंयं मिये। अहम्मृते। अमृतं ब्रह्मणि। वायुमें प्राणे श्रितः॥१६॥

प्राणो हृद्ये। हृद्यं मिये। अहममृतै। अमृतं ब्रह्मणि। सूर्यो मे चक्षुषि श्रितः। चक्षुर्हृद्ये। हृद्यं मिये। अहममृतै। अमृतं ब्रह्मणि। चन्द्रमा मे मनिस श्रितः॥१७॥

मनो हृद्ये। हृद्यं मिये। अहममृतै। अमृतं ब्रह्मणि। दिशौ मे श्रोत्रै श्रिताः। श्रोत्रू हृद्ये। हृद्यं मिये। अहममृतै। अमृतं ब्रह्मणि। आपौ मे रेतिस श्रिताः॥१८॥

रेतो हृदेये। हृदेयं मिये। अहममृतै। अमृतं ब्रह्मणि। पृथिवी मे शरीरे श्रिता। शरीर्थ हृदेये। हृदेयं मिये। अहममृतै। अमृतं ब्रह्मणि। ओष्धिवनस्पतयौ मे लोमसु श्रिताः॥१९॥

लोमनि हर्दये। हर्दयं मिय। अहममृतै। अमृतं ब्रह्मणि। इन्द्रौ मे बलै श्रितः। बल्र हर्दये। हर्दयं मिये। अहममृतै। अमृतं ब्रह्मणि। पुर्जन्यौ मे मूर्धि श्रितः॥२०॥ मूर्धा हृद्ये। हृद्यं मिये। अहम्मृते। अमृतं ब्रह्मणि। ईशानो मे मन्यो श्रितः। मन्युर्हृद्ये। हृद्यं मिये। अहम्मृते। अमृतं ब्रह्मणि। आत्मा मे आत्मिने श्रितः॥२१॥ आत्मा हृद्ये। हृद्यं मिये। अहम्मृते। अमृतं ब्रह्मणि। पुनर्म आत्मा पुनरायुरागात्। पुनेः प्राणः पुनराकूतमागात्। वैश्वानरो रिश्मिर्मवावृधानः। अन्तस्तिष्ठत्वमृतस्य गोपाः॥२२॥

प्रजापितिर्देवानंसृजत। ते पाप्मना सन्दिता अजायन्त। तान्व्यंद्यत्। यद्यद्यत्। तस्माद्विद्यत्। तमेवृश्चत्। यदवृश्चत्। तस्माद्वृष्टिः। तस्माद्यत्रैते देवते अभिप्राप्तृतः । वि च हैवास्य तत्रं पाप्मानं द्यतः॥२३॥

वृश्चतंश्च। सैषा मीमा स्साऽग्निहोत्र एव संपन्ना। अथौ आहुः। सर्वेषु यज्ञकृतुष्विति। होष्यंत्रप उपस्पृशेत्। विद्यंदिस विद्यं मे पाप्मानिति। अथं हुत्वोपस्पृशेत्। वृष्टिरिस वृश्चं मे पाप्मानिति। यक्ष्यमाणो वेष्ट्वा वा। वि चं हैवास्यैते देवते पाप्मानं द्यतः॥२४॥ वृश्चतंश्च। अत्य हो हाऽऽर्रुणः। ब्रह्मचारिणे प्रश्नान्योच्य प्रजिघाय। परेहि। प्रक्षं दय्यांपातिं पृच्छ। वेत्थं सावित्रा(३)न्न वेत्था(३) इति। तमागत्यं पप्रच्छ। आचार्यो मा प्राहेषीत्। वेत्थं सावित्रा(३)न्न वेत्था(३)न्न वेत्था(३) इति। स होवाच वेदेति॥२५॥

स किस्मिन्त्रतिष्ठित इति। परोरंजसीति। कस्तद्यत्परोरंजा इति। एष वाव स परोरंजा इति होवाच। य एष तपित। एषौऽर्वायंजा इति। स किस्मिन्त्वेष इति। सत्य इति। किं तत्सत्यमिति। तपु इति॥२६॥ किरमुन्न तप् इति। बल इति। किं तद्वलमिति। प्राण इति। मा समें प्राणमितिपृच्छ इति माऽऽचार्यौऽब्रवीदिति होवाच ब्रह्मचारी। स होवाच प्रक्षो दय्यांपातिः। यद्वै ब्रह्मचारिन्प्राणमत्यप्रक्ष्यः। मूर्घा ते व्यपितिष्यत्। अहम्रत आचार्याच्छ्रेयांन्भविष्यामि। यो मां सावित्रे समवादिष्टेति॥२७॥

तस्मौत्सावित्रे न संवदित। स यो ह वै सावित्रं विदुषां सावित्रे संवदित। सहौिस्मिञ्छियं दधाति। अनुं ह वा अस्मा असौ तप्ञिछयं मन्यते। अन्वस्मै श्रीस्तपौ मन्यते। अन्वस्मै तपो बलं मन्यते। अन्वस्मै बलं प्राणं मन्यते। स यदाहं। संज्ञानं विज्ञानं दशौ दृष्टेति। एष एव तत्॥ २८॥

अथ यदाहै। प्रस्तुतं विष्टुंत सुना सुन्वतीति। एष एव तत्। एष ह्येव तान्यहानि। एष रात्रयः। अथ यदाहै। चित्रः केतुर्दाता प्रदाता संविता प्रसविताऽभिशास्ताऽनुमन्तेति। एष एव तत्। एष ह्येव तेऽह्ये मुहूर्ताः। एष रात्रैः॥२९॥

अथ यदाहै। प्रवित्रं पवियिष्यन्त्सहिस्वान्त्सहीयानरुणौऽरुणरेजा इति। एष एव तत्। एष ह्येव तैंऽर्धमासाः। एष मासाः। अथ यदाहै। अग्निष्टोम उक्थ्यौऽग्निर्ऋतुः प्रजापितिः संवत्सर इति। एष एव तत्। एष ह्येव ते यज्ञकृतवः। एष ऋतवः॥३०॥

एष संवत्सरः। अथ यदाहै। इदानीं तदानीमिति। एष एव तत्। एष ह्येव ते मुहूर्तानां मुहूर्ताः। जनको ह वैदेहः। अहोरात्रेः समाजगाम। तथ होचुः। यो वा अस्मान् वेदे। विजहत्याप्मानमिति॥३१॥ सर्वमायुरिति। अभि स्वर्गं लोकं जयित। नास्यामुिष्म् होकेऽन्नं क्षीयत् इति। विजहंद्ध वै पाप्मानमिति। सर्वमायुरिति। अभि स्वर्गं लोकं जयित। नास्यामुिष्महोकेऽन्नं क्षीयते। य एवं वेदं। अहीना हाऽऽश्वंथ्यः। सावित्रं विदार्श्वकार॥३२॥

स हं हु< सो हिर्ण्मयों भूत्वा। स्वर्गं लोकिमियाय। आदित्यस्य सायुंज्यम्। हु< सो ह वे हिर्ण्मयों भूत्वा। स्वर्गं लोकिमीत। आदित्यस्य सायुंज्यम्। य एवं वेदं। देवभागो हं श्रौतर्षः। सावित्रं विदार्श्वकार। तक्ष् ह वागद्देश्यमानाऽभ्युंवाच॥३३॥

सवैं बत गौतमो वेद्। यः सिवित्रं वेदेति। स होवाच। कैषा वागुसीति। अयमहरू सिवित्रः। देवानिमुत्तमो लोकः। गुह्यं महो बिभ्रदिति। एताविति ह गौतमः। यज्ञोपवीतं कृत्वाऽधो निपेपात। नमो नम इति॥ ३४॥

स होवाच। मा भैषीगौँतम। जितो वै ते लोक इति। तस्माद्ये के चे सावित्रं विदुः। सर्वे ते जितलोकाः। स यो ह वै सावित्रस्याष्टाक्षरं पद्ध् श्रियाऽभिषिक्तं वेदे। श्रिया हैवाभिषिच्यते। घृणिरिति हे अक्षरें। सूर्य इति त्रीणि। आदित्य इति त्रीणि॥३५॥

पुतद्वै सावित्रस्याष्टाक्षरं पद् श्रियाऽभिषिक्तम्। य एवं वेदं। श्रिया हैवाभिषिच्यते। तदेतद्वचाऽभ्यंक्तम्। ऋचो अक्षरे पर्मे व्योमन्। यस्मिन्देवा अधि विश्वे निषेदुः। यस्तं न वेद् किमृचा करिष्यति। य इत्तद्विदुस्त इमे समासत् इति। न ह वा एतस्यूर्चा न यजुषा न साम्नाऽथौँऽस्ति। यः सावित्रं वेदं॥३६॥ तदेतत्परि यद्देवचक्रम्। आर्द्रं पिन्वमानः स्वर्गे लोक एति। विजहिद्धश्चां भूतानि सम्पर्यत्। आर्द्रो ह वै पिन्वमानः। स्वर्गे लोक एति। विजहिन्वश्चां भूतानि सम्पर्यन्। य एवं वेद्। शूषो ह वै वार्ष्णीयः। आदित्येन समाजगाम। तः होवाच। एहि सावित्रं विद्धि। अयं वे स्वर्योऽिक्षः पारियष्णुरमृतात्सम्भूत इति। एष वाव स सावित्रः। य एष तपित। एहि मां विद्धि। इति हैवैनं तदुंवाच॥३७॥

 $[\varsigma]$

इयं वाव स्रघाँ। तस्यां अग्निरेव सार्घं मधुं। या एताः पूर्वपक्षापरपक्षयों रात्रयः। ता मधुकृतंः। यान्यहानि। ते मधुवृषाः। स यो ह वा एता मधुकृतंश्च मधुवृषाः श्च वेदं। कुर्वन्ति हास्यैता अग्नौ मधुं। नास्यैष्टापूर्तं धंयन्ति। अथ्य यो न वेदं॥ ३८॥ न हांस्यैता अग्नौ मधुं कुर्वन्ति। धर्यन्त्यस्येष्टापूर्तम्। यो ह वा अहोरात्राणां नामधेयानि वेदं। नाहोरात्रेष्वार्तिमाच्छेति। संज्ञानं विज्ञानं दर्शो दृष्टेति। एतावनुवाकौ पूर्वपक्षस्याहोरात्राणां नामधेयानि। प्रस्तुतं विष्टुंतः सुता सुन्वतीति। एतावनुवाकावंपर-पक्षस्याहोरात्राणां नामधेयानि। नाहोरात्रेष्वार्तिमाच्छेति। य एवं वेदं॥ ३९॥

यो ह वै मुहूर्तानां नामधेयानि वेदं। न मुहूर्तेष्वार्तिमार्च्छीत। चित्रः केतुर्दाता प्रदाता संविता प्रसिवताऽभिशास्ताऽनुमन्तेति। एतेऽनुवाका मुहूर्तानां नामधेयानि। न मुहूर्तेष्वार्तिमार्च्छीत। य एवं वेदं। यो ह वा अर्धमासानां च मासानां च नामधेयानि वेदं। नार्धमासेषु न मासेष्वार्तिमार्च्छीत। पवित्रं पवियिष्यन्त्सहं-स्वान्त्सहीयानरुणौऽरुणरंजा इति। एतेऽनुवाका अर्धमासानां च मासानां च नामधेयानि॥४०॥

कश्चिद्ध वा अस्माल्लोकात्प्रेत्यं। आत्मानं वेद। अयमहमस्मीति। कश्चित्स्वं लोकं न प्रतिप्रजानाति। अग्निमुंग्धो हैव धूमतान्तः। स्वं लोकं न प्रतिप्रजानाति। अथ यो हैवैतमग्निश्स सावित्रं वेद्। स एवास्माल्लोकात्प्रेत्यं। आत्मानं वेद। अयमहमस्मीति॥४३॥

स स्वं लोकं प्रतिप्रजानाति। एष उ चैवैनं तत्सवित्रः। स्वर्गं लोकमभिवहति। अहोरात्रैर्वा <u>इ</u>दश् सयुग्भिः क्रियते। इतिरात्रायदिक्षिषत। इतिरात्रायं व्रतमुपागुरिति। तानिहानेवं विदुषंः। अमुष्मिँह्योके शेवधिं धंयन्ति। धीतः हैव स शेवधिमनु परैति। अथ यो हैवैतमग्निः सावित्रं वेदं॥४४॥

तस्यं हैवाहोरात्राणि। अमुिष्म् ह्योके शेवधिन ध्यन्ति। अधीतः हैव स शेवधिमनु परैति। भरद्वांजो ह त्रिभिरायुंभिर्बह्मचर्यमुवास। तः ह जीर्णिङ् स्थविरः शयानम्। इन्द्रं उपव्रज्योवाच। भरद्वाज। यत्ते चतुर्थमायुर्द्धाम्। किमेनेन कुर्या इति। ब्रह्मचर्यमेवेनेन चरेयमिति होवाच॥४५॥

तः ह् त्रीन्गिरिर्रूपानविज्ञातानिव दर्शयां चेकार। तेषाः हैंकैकस्मान्मुष्टिनादंदे। स होवाच। भरंद्वाजेत्यामन्त्र्यं। वेदा वा एते। अनुन्ता वै वेदाः। एतद्वा एतैस्त्रिभिरायुर्भिरन्वंवोचथाः। अर्थ त इतरदनेनूक्तमेव। एहीमं विद्धि। अयं वै सर्वविद्येति॥४६॥

तस्मै हैतम्प्रिश् सावित्रमुंवाच। तश्स विदित्वा। अमृतौ भूत्वा। स्वर्गं लोकिमियाय। आदित्यस्य सार्युज्यम्। अमृतौ हैव भूत्वा। स्वर्गं लोकमिति। आदित्यस्य सार्युज्यम्। य एवं वेद्ं। एषो एव त्रयी विद्या॥४७॥

यार्वन्तः ह वै त्रय्या विद्ययां लोकं जयित। तार्वन्तं लोकं जयित। य एवं वेद्रे। अग्नेर्वा एतानि नामधेयानि। अग्नेरेव सायुज्यः सलोकतामाप्नोति। य एवं वेद्रे। वायोर्वा एतानि नामधेयानि। वायोरेव सायुज्यः सलोकतामाप्नोति। य एवं वेद्रे। इन्द्रेस्य वा एतानि नामधेयानि॥४८॥ इन्द्रंस्यैव सायुज्यश् सलोकतामाप्तोति। य एवं वेद्रं। बृह्स्यतेर्वा एतानि नामधेयानि। बृह्स्यतेरे्व सायुज्यश् सलोकतामाप्तोति। य एवं वेद्रं। प्रजापंतेरे्व सायुज्यश् सलोकतामाप्तोति। य एवं वेद्रं। प्रजापंतेरे्व सायुज्यश् सलोकतामाप्तोति। य एवं वेद्रं। ब्रह्मणो वा एतानि नामधेयानि। ब्रह्मण एव सायुज्यश् सलोकतामाप्तोति। य एवं वेद्रं। स वा एषौऽग्निरंपक्षपुच्छो वायुरेव। तस्याग्निर्मुखम्। असावादित्यः शिरंः। स यदेते देवते अन्तरेण। तत्सर्वश्रं सीव्यति। तस्मात्सावित्रः॥४९॥

[\$ \$]-

॥ इति कृष्णयजुर्वेदीयतैत्तिरीयकाठके प्रथमः प्रश्नः समाप्तः॥ १॥

॥ द्वितीयः प्रश्नः॥

लोकोऽसि स्वर्गो ऽसि। अनुन्तो ऽस्यपारो ऽसि। अक्षितोऽस्यक्षय्यो-ऽसि। तपसः प्रतिष्ठा। त्वयीद्मन्तः। विश्वं यक्षं विश्वं भूतं विश्वं सुभूतम्। विश्वंस्य भूतां विश्वंस्य जनियता। तं त्वोपंद्घे कामदुघमक्षितम्। प्रजापंतिस्त्वा सादयतु। तया देवतयांऽङ्गिरस्वद्भुवा सीद्॥१॥

तपौऽसि लोके श्रितम्। तेर्जसः प्रतिष्ठा। त्वयीदमन्तः। विश्वं यक्षं विश्वं भूतं विश्वः सुभूतम्। विश्वस्य भर्तृ विश्वस्य जनयितृ। तत्त्वोपद्घे कामदुघमिश्वतम्। प्रजापितस्त्वा सादयतु। तया देवतयाऽङ्गिरस्वद्भुवा सीद॥२॥

तेजोऽसि तपंसि श्रितम्। समुद्रस्यं प्रतिष्ठा। त्वयीद्मन्तः। विश्वं

यक्षं विश्वं भूतं विश्वर्ं सुभूतम्। विश्वस्य भृतृं विश्वस्य जनयित्। तत्त्वोपद्धे कामदुघमिक्षितम्। प्रजापितिस्त्वा सादयतु। तया देवतियाऽङ्गिरुस्वद्भुवा सीद्॥३॥

समुद्रौऽसि तेजिसि श्रितः। अपां प्रतिष्ठा। त्वयीदमन्तः। विश्वं यक्षं विश्वं भूतं विश्वं सुभूतम्। विश्वस्य भर्ता विश्वंस्य जनयिता। तं त्वोपंद्धे कामदुघमिश्वंतम्। प्रजापंतिस्त्वा सादयतु। तया देवत्याऽङ्गिरस्वद्भुवा सीद्॥४॥

आपः स्थ समुद्रे श्रिताः। पृथिव्याः प्रतिष्ठा युष्मास्। इदमन्तः। विश्वं यक्षं विश्वं भूतं विश्वरं सुभूतम्। विश्वंस्य भ्रत्यो विश्वंस्य जनियत्र्यः। ता व उपद्धे कामदुघा अक्षिताः। प्रजापितस्त्वा सादयतु। तयो देवतयोऽङ्गिरस्वद्भुवा सीद॥५॥

पृथिव्यंस्यप्सु श्रिता। अग्नेः प्रतिष्ठा। त्वयीदमन्तः। विश्वं यक्षं विश्वं भूतं विश्वं सुभूतम्। विश्वंस्य भुत्रीं विश्वंस्य जनियुत्री। तां त्वोपंद्धे कामुदुघामिश्वंताम्। प्रजापंतिस्त्वा सादयतु। तयां देवत्रयाऽङ्गिरुस्वद्भवा सीद्॥६॥

अग्निरंसि पृथिव्याङ् श्रितः। अन्तरिक्षस्य प्रतिष्ठा। त्वयीदमन्तः। विश्वं यक्षं विश्वं भूतं विश्वं सुभूतम्। विश्वंस्य भूतां विश्वंस्य जनियता। तं त्वोपद्धे कामदुघमिश्वंतम्। प्रजापितस्त्वा सादयतु। तयां देवत्रयाऽङ्गिरस्वद्भुवा सीद्॥७॥

अन्तरिक्षमस्यमौ श्रितम्। वायोः प्रतिष्ठा। त्वयीदमन्तः। विश्वं यक्षं विश्वं भूतं विश्वं सुभूतम्। विश्वंस्य भर्तृ विश्वंस्य जनयितृ। तत्त्वोपद्धे कामुदुघमिक्षितम्। प्रजापितिस्त्वा सादयतु। तयो देवतियाऽङ्गिरुस्वद्भुवा सीद्॥८॥

वायुरंस्यन्तरिक्षे श्रितः। दिवः प्रतिष्ठा। त्वयीदमन्तः। विश्वं यक्षं विश्वं भूतं विश्वं सभूतम्। विश्वंस्य भूतां विश्वंस्य जनयिता। तं त्वोपंद्धे कामदुघमिश्वंतम्। प्रजापंतिस्त्वा सादयतु। तयां देवतंयाऽङ्गिरस्वद्भुवा सीद॥९॥

द्यौरिस वायौ श्रिता। आदित्यस्यं प्रतिष्ठा। त्वयीदम्नतः। विश्वं यक्षं विश्वं भूतं विश्वं सुभूतम्। विश्वंस्य भूत्रीं विश्वंस्य जनियुत्री। तां त्वोपंद्धे काम्दुघामिश्वंताम्। प्रजापंतिस्त्वा सादयतु। तयां देवतंयाऽङ्गिरस्वद्भुवा सीद्॥१०॥

आदित्योऽसि दिवि श्रितः। चन्द्रमेसः प्रतिष्ठा। त्वयीद्मन्तः। विश्वं यक्षं विश्वं भूतं विश्वं सुभूतम्। विश्वंस्य भूतां विश्वंस्य जनियता। तं त्वोपद्धे कामदुघमिश्वंतम्। प्रजापितस्त्वा सादयतु। तयां देवत्याऽङ्गिरस्बद्भवा सीद्॥११॥

चन्द्रमां अस्यादित्ये श्रितः। नक्षंत्राणां प्रतिष्ठा। त्वयीदमन्तः। विश्वं यक्षं विश्वं भूतं विश्वः सुभूतम्। विश्वंस्य भूतां विश्वंस्य जनियता। तं त्वोपद्धे कामदुघमिश्वंतम्। प्रजापितस्त्वा सादयतु। तयां देवत्याऽङ्गिरस्वद्भुवा सीद्॥१२॥

नक्षंत्राणि स्थ चन्द्रमंसि श्रितानि। संवत्सरस्यं प्रतिष्ठा युष्मास्। इदमन्तः। विश्वं यक्षं विश्वं भूतं विश्वः सुभूतम्। विश्वस्य भर्तृणि विश्वस्य जनयितृणि। तानि व उपद्धे कामुदुघान्यक्षितानि। प्रजापितिस्त्वा सादयतु। तयो देवतियाऽङ्गिरस्वद्भवा सीद्॥१३॥

संवत्सरोऽसि नक्षेत्रेषु श्रितः। ऋतूनां प्रतिष्ठा। त्वयीदमन्तः। विश्वं यक्षं विश्वं भूतं विश्वं सुभूतम्। विश्वंस्य भर्ता विश्वंस्य जनयिता। तं त्वोपंद्धे कामदुघमिश्वंतम्। प्रजापंतिस्त्वा सादयतु। तयां देवत्रयाऽङ्गिरुस्वद्भवा सीद्॥१४॥

ऋतवंः स्थ संवत्सरे श्रिताः। मासानां प्रतिष्ठा युष्मास्त्री। इदमन्तः। विश्वं यक्षं विश्वं भूतं विश्वः सुभूतम्। विश्वस्य भूर्तारो विश्वस्य जनयितारेः। तान् व उपद्घे कामदुघानिक्षतान्। प्रजापितिस्त्वा सादयतु। तयां देवत्याऽङ्गिरस्वद्भवा सीद्॥१५॥

मासाः स्थतिषुं श्रिताः। अर्धमासानां प्रतिष्ठा युष्मासुं। इद्मन्तः। विश्वं यक्षं विश्वं भूतं विश्वं सुभूतम्। विश्वंस्य भूतांरो विश्वंस्य जनियतारः। तान् व उपद्धे कामदुघानिश्वंतान्। प्रजापंतिस्त्वा सादयतु। तयां देवत्याऽङ्गिरस्वद्भवा सीद्॥१६॥

अर्धमासाः स्थं मासु श्रिताः। अहोरात्रयौः प्रतिष्ठा युष्मास्। इदमन्तः। विश्वं यक्षं विश्वं भूतं विश्वं सुभूतम्। विश्वंस्य भूतारो विश्वंस्य जनयितारः। तान् व उपद्धे कामदुघानिक्षंतान्। प्रजापितस्त्वा सादयतु। तयां देवत्याऽङ्गिरस्वद्भवा सीद्॥१७॥

अहोरात्रे स्थौऽर्धमासेषु श्रिते। भूतस्य प्रतिष्ठे भव्यस्य प्रतिष्ठे। युवयौरिदमन्तः। विश्वं यक्षं विश्वं भूतं विश्वः सुभूतम्। विश्वस्य भुत्र्यौ विश्वस्य जनियुत्र्यौ। ते वाुमुपंद्धे कामुदु्धे अक्षिते। प्रजापितस्त्वा सादयतु। तया देवत्याऽङ्गिर्स्वद्भुवा सीद्॥१८॥ पौर्णमास्यष्टकाऽमावास्यां। अन्नादाः स्थान्नदुघो युष्मास्। इदमन्तः। विश्वं यक्षं विश्वं भूतं विश्वं सुभूतम्। विश्वंस्य भ्रत्यों विश्वंस्य जनियत्र्यः। ता व उपद्धे कामदुघा अक्षिताः। प्रजापितस्त्वा सादयतु। तया देवत्याऽङ्गिर्स्वद्भुवा सीद्॥१९॥ राडंसि बृह्ती श्रीर्सीन्द्रंपत्नी धर्मपत्नी। विश्वं भूतमनुप्रभूता।

राडास बृह्ता आर्सान्द्रपता वमपता विश्व मूतमनुत्रमूता त्वयीदमन्तः। विश्वं यक्षं विश्वं भूतं विश्वं सुभूतम्। विश्वंस्य भुत्रीं विश्वंस्य जनयित्री। तां त्वोपंद्धे कामुदुघामिश्वंताम्। प्रजापंतिस्त्वा सादयतु। तयां देवतंयाऽङ्गिर्स्वद्भुवा सीद्॥२०॥

ओजोऽसि सहोऽसि। बलंमिस भ्राजोऽसि। देवानां धामामृतम्। अमंत्र्यस्तपोजाः। त्वयीद्मन्तः। विश्वं यक्षं विश्वं भूतं विश्वं भूतं विश्वं सुभूतम्। विश्वंस्य भूतां विश्वंस्य जनियता। तं त्वोपद्धे कामुदुघमिस्तितम्। प्रजापितिस्त्वा सादयतु। तयो देवत्रयाऽङ्गिरस्वद्भुवा सीद्॥२१॥

[8]

त्वमंग्ने रुद्रो असुरो महो दिवः। त्वः शर्धो मार्रतं पृक्ष ई शिषे। त्वं वातेररुणेर्यांसि शङ्मयः। त्वं पूषा विधतः पासि नु तमनां। देवां देवेषुं अयध्वम्। प्रथमा द्वितीयेषु अयध्वम्। द्वितीयास्तृतीयेषु अयध्वम्। तृतीयाश्चतुर्थेषुं अयध्वम्। चतुर्थाः पश्चमेषुं अयध्वम्। पश्चमाः षष्ठेषुं अयध्वम्॥ २२॥

ष्षाः संप्तमेषुं श्रयध्वम्। सप्तमा अष्टमेषुं श्रयध्वम्। अष्टमा नंवमेषुं

श्रयध्वम्। नवमा देशमेषु श्रयध्वम्। दृशमा एकादृशेषु श्रयध्वम्। एकादृशा द्वांदृशेषु श्रयध्वम्। दृश्वास्त्रयोदृशेषु श्रयध्वम्। त्रयोदृशाश्चतुर्दशेषु श्रयध्वम्। चतुर्दृशाः पश्चदृशेषु श्रयध्वम्। पश्चदृशाः षोडुशेषु श्रयध्वम्। पश्चदृशाः षोडुशेषु श्रयध्वम्। २३॥

अम्नविष्णू सजोषेसा। इमा वेर्धन्तु वां गिरंः। द्युम्नैर्वाजैभिरागंतम्। राज्ञी विराज्ञी। सम्राज्ञी स्वराज्ञी। अर्चिः शोचिः। तपो हरो भाः। अग्निः सोमो बृहस्पतिः। विश्वेदेवा भुवनस्य गोपाः। ते सर्वे सङ्गत्ये। इदं मे प्रावता वर्चः। वयङ् स्योम् पत्तयो रयीणाम्। भूर्भुवः स्वः

स्वाहाँ॥२६॥

[३]

अन्नप्तेऽन्नस्य नो देहि। अनुमीवस्यं शुष्मिणः। प्र प्रदातारं तारिषः। ऊजं नो धेहि द्विपदे चतुष्पदे। अग्ने पृथिवीपते। सोमं वीरुधां पते। त्वष्टं सिमधां पते। विष्णवाशानां पते। मित्रं सत्यानां पते। वर्रुण धर्मणां पते॥२७॥

मुरुतौ गणानां पतयः। रुद्धं पशूनां पते। इन्द्रौजसां पते। बृह्यंस्पते ब्रह्मणस्पते। आ रुचा रौचेऽह्यं स्वयम्। रुचा रुरुचे रोचमानः। अतीत्यादः स्वराभरेह्। तिस्मन् योनौ प्रजनौ प्रजीयेय। वयः स्याम् पत्रयो रयीणाम्। भूर्भुवः स्वः स्वाह्यं॥ २८॥

8

सप्त ते अग्ने सिमधः सप्त जिह्नाः। सप्तर्षयः सप्त धामं प्रियाणि। सप्त होत्रां अनुविद्वान्। सप्त योनीरापृणस्वा घृतेनं। प्राची दिक्। अग्निर्देवतां। अग्निश् स दिशां देवं देवतांनामृच्छतु। यो मैतस्यैं दिशोऽभिदासंति। दक्षिणा दिक्। इन्द्रों देवतां॥२९॥

इन्द्र<u>थ्</u> स दिशां देवं देवतानामृच्छतु। यो मैतस्यै दिशोऽभिदासित। प्रतीची दिक। सोमो देवता। सोम<u>थ्</u> स दिशां देवं देवतानामृच्छतु। यो मैतस्यै दिशोऽभिदासित। उदीची दिक्। मित्रावर्रुणो देवता। मित्रावर्रुणो स दिशां देवौ देवतानामृच्छतु। यो मैतस्यै दिशोऽभिदासित॥३०॥

ऊर्ध्वा दिक्। बृह्स्पतिर्देवतां। बृह्स्पति<u>श</u>् स दिशां देवं देवतानामृच्छतु। यो मैतस्ये दिशोऽभिदासति। <u>इ</u>यं दिक्। अदितिर्देवता। अदिति सिद्धां देवीं देवतानामृच्छतु। यो मैतस्यैं दिशोऽभिदासित। पुरुषो दिक्। पुरुषो मे कामान्त्समध्यतु॥ ३१॥ अन्यो जागृविः प्राण। असावेहि। बधिर आकन्दियतरपान। असावेहि। उषसंमुषसमशीय। अहमसो ज्योतिरशीय। अहमसोऽपोऽशीय। वयङ् स्याम पत्रयो रयीणाम्। भूभुंवः स्वंः स्वाहा॥ ३२॥

[^k]

यत्तेऽचितं यदं चितं ते अग्ने। यत्तं ऊनं यद्व तेऽतिरिक्तम्। आदित्यास्तदिङ्गिरसिश्चन्तु। विश्वे ते देवाश्चितिमापूरयन्तु। चितश्चासि सिश्चितश्चास्यग्ने। एतावाङ्श्चासि भूयोङ्श्चास्यग्ने। लोकं पृण च्छिद्रं पृण। अथौ सीद दि्ावा त्वम्। इन्द्राग्नी त्वा बृह्स्पतिः। अस्मिन् योनावसीषदन्॥३३॥

तयां देवतयाऽङ्गिरस्बद्भुवा सीद। ता अस्य सूद्दोहसः। सोमई श्रीणन्ति पृश्लयः। जन्मं देवानां विश्लाः। त्रिष्वा रोचने दिवः। तयां देवतयाऽङ्गिरस्बद्भुवा सीद। अग्ले देवाः इहाऽऽवह। जज्ञानो वृक्तबर्रहिषे। असि होतां न ईड्यः। अगन्म महा मनसा यविष्ठम्॥३४॥

यो दीदाय सिम् स्व देरोणे। चित्रभानू रोदंसी अन्तरुवीं। स्वहितं विश्वतः प्रत्यञ्चम्। मेधाकारं विदर्थस्य प्रसाधनम्। अग्निश् होतारं परिभूतमं मृतिम्। त्वामभस्य ह्विषंः समानमित्। त्वां मृहो वृणते नरो नान्यं त्वत्। मृनुष्वत्त्वा निधीमहि। मृनुष्वत्सिधीमहि। अग्ने मनुष्वदंिक्षरः॥३५॥

देवान्देवायते यंज। अग्निर्हि वाजिनं विश्वो। दद्गित विश्वचर्षणिः। अग्नी राये स्वाभुवम्। सप्रीतो याति वार्यम्। इष्ट्रं स्तोतृभ्य आभर। पृष्टो दिवि पृष्टो अग्निः पृथिव्याम्। पृष्टो विश्वा ओषधीराविवेश। वैश्वानरः सहंसा पृष्टो अग्निः। स नो दिवा स रिषः पातु नक्तम्॥ ३६॥

ξ

अयं वाव यः पर्वते। सौंऽग्निर्नाचिकेतः। स यत्प्राङ् पर्वते। तद्स्य शिर्रः। अथ् यद्देक्षिणा। स दक्षिणः पृक्षः। अथ् यत्प्रत्यक्। तत्पुच्छम्। यदुदङ्ङ्ं। स उत्तरः पृक्षः॥३७॥

अथ यत्संवाति। तदंस्य समर्चनं च प्रसारंणं च। अथौ सम्पदेवास्य सा। स॰ ह वा अस्मै स कामः पद्यते। यत्कामो यजेते। यौऽग्निं नाचिकेतं चिनुते। य उ चैनमेवं वेदं। यो ह वा अग्नेनीचिकेतस्याऽऽयतेनं प्रतिष्ठां वेदं। आयतेनवान्भवति। गच्छिति प्रतिष्ठाम्॥३८॥

हिर्रण्यं वा अग्नेनीचिकेतस्याऽऽयतेनं प्रतिष्ठा। य प्वं वेदं। आयतेनवान्भवति। गच्छेति प्रतिष्ठाम्। यो ह् वा अग्नेनीचिकेतस्य शरीरं वेदं। सर्शरीर एव स्वर्गं लोकमेति। हिर्रण्यं वा अग्नेनीचिकेतस्य शरीरम्। य एवं वेदं। सर्शरीर एव स्वर्गं लोकमेति। अथो यथां रुका उत्तिप्तो भाष्यात्॥३९॥

एवमेव स तेर्जसा यशसा। अस्मिङ्श्चं लोकेंऽमुष्मिङ्श्च भाति। उरवो ह वै नामैते लोकाः। येऽवरेणाऽऽदित्यम्। अर्थ हैते वरीयाश्सो लोकाः। ये परेणाऽऽदित्यम्। अन्तवन्तश ह वा एष क्ष्रय्यं लोकं जयित। योऽवरेणाऽऽदित्यम्। अर्थे हैषोऽनन्तर्मपारमक्षय्यं लोकं जयित। यः परेणाऽऽदित्यम्॥४०॥ अनुन्तर ह वा अपारमक्षय्यं लोकं जयित। यौऽग्निं निचिकेतं चिनुते। य उ चैनमेवं वेदं। अथो यथा रथे तिष्ठन्पक्षसी पर्यावर्तमाने प्रत्यपैक्षते। एवमहोरात्रे प्रत्यपैक्षते। नास्यहोरात्रे लोकमाम्नतः। यौऽग्निं निचकेतं चिनुते। य उ चैनमेवं वेदं॥४१॥

-[૭]

उशन् ह् वै वाजश्रवसः सर्ववेद्सं द्दौ। तस्यं ह् निचकेता नामं पुत्र आस। तश् हं कुमारश् सन्तम्। दक्षिणासु नीयमानासु श्रद्धाऽऽविवेश। स हौवाच। तत् कस्मै मां दास्यसीति। द्वितीयं तृतीयम्। तश् ह् परीत उवाच। मृत्यवै त्वा दद्गमीति। तश् ह् स्मोत्थितं वाग्निवंदति॥४२॥

गौतंम कुमारमिति। स हौवाच। परेहि मृत्योर्गृहान्। मृत्यवे वै त्वांऽदामिति। तं वै प्रवसन्तं गुन्तासीति होवाच। तस्यं स्म तिस्रो रात्रीरनाश्वान्गृहे वंसतात्। स यदि त्वा पृच्छेत्। कुमार् कित रात्रीरवात्सीरिति। तिस्र इति प्रतिब्रूतात्। किं प्रथमाः रात्रिमाश्चा इति॥४३॥

प्रजां त इति। किं द्वितीयामिति। पुश्रूङ्स्त इति। किं तृतीयामिति। साधुकृत्यां त इति। तं वै प्रवसन्तं जगाम। तस्यं ह तिस्रो रात्रीरनाश्वान्गृह उवास। तमागत्यं पप्रच्छ। कुर्मार् कित रात्रीरवात्सीरिति। तिस्र इति प्रत्युवाच॥४४॥

किं प्रथमा रात्रिमाश्चा इति। प्रजां त इति। किं द्वितीयामिति।

प्रश्र्ङ्स्त इति। किं तृतीयामिति। साधुकृत्यां त इति। नर्मस्ते अस्तु भगव इति होवाच। वरं वृणीष्वेति। पितर्रमेव जीवन्नयानीति। द्वितीयं वृणीष्वेति॥४५॥

इष्टापूर्तयोर्मेऽक्षितिं ब्रूहीतिं होवाच। तस्मै हैतम् ग्निं निचिकेतमुंवाच। ततो वै तस्यैष्टापूर्ते ना क्षीयेते। नास्यैष्टापूर्ते क्षीयेते। यौऽग्निं निचकेतं चिनुते। य उं चैनमेवं वेदं। तृतीयं वृणीष्वेति। पुनर्मृत्योर्मेऽपेचितिं ब्रूहीतिं होवाच। तस्मै हैतम्ग्निं निचकेतमुंवाच। ततो वै सोऽपं पुनर्मृत्युमंजयत्॥४६॥

अपं पुनर्मृत्युं जयित। यौऽियं नािचिकेतं चिनुते। य उं चैनमेवं वेदं। प्रजापितिर्वे प्रजाकांमस्तपोऽतप्यत। स हिरण्यमुदास्यत्। तद्यौ प्रास्यत्। तदंस्मै नाच्छंदयत्। तिह्वतीयं प्रास्यत्। तदंस्मै नैवाच्छंदयत्। तत्तृतीयं प्रास्यत्॥४७॥

तदंस्मे नैवाच्छंदयत्। तदात्मन्नेव हंद्य्येंऽग्नो वैश्वानरे प्रास्यत्। तदंस्मा अच्छदयत्। तस्माद्धिरंण्यं किनेष्टं धनानाम्। भुञ्जित्प्रयतमम्। हृद्यजश् हि। स व तमेव नाविन्दत्। यस्मे तां दक्षिणामनेष्यत्। ताङ् स्वायेव हस्ताय दक्षिणायानयत्। तां प्रत्यंगृह्णात्॥४८॥

दक्षाय त्वा दक्षिणां प्रतिगृह्यं। सौऽदक्षत दक्षिणां प्रतिगृह्यं। दक्षिते ह वै दक्षिणां प्रतिगृह्यं। य एवं वेदं। एतद्धं स्म वै तिहुद्धाः सौ वाजश्रवसा गोतिमाः। अप्यनृदुद्यां दक्षिणां प्रतिगृह्यंन्ति। उभयेन वयं दिक्षिष्यामह एव दक्षिणां प्रतिगृह्येति। तेऽदक्षन्त दक्षिणां

प्रतिगृह्यं। दक्षते हु वै दक्षिणां प्रतिगृह्यं। य एवं वेदं। प्र हान्यं द्वीनाति॥४९॥

[८]

तः हैतमेके पशुबन्ध एवोत्तरवेद्यां चिन्वते। उत्तरवेदिसंम्मित
एषौऽग्निरिति वर्दन्तः। तन्न तथां कुर्यात्। एतम्ग्निं कामेन्
व्यर्धयेत्। स एनं कामेन् व्यृद्धः। कामेन् व्यर्धयेत्। सौम्ये
वावैनेमध्वरे चिन्वीत। यत्रं वा भूयिष्ठा आह्रंतयो हृयेरन्। एतम्गिः
कामेन् समर्धयति। स एनं कामेन् समृद्धः॥५०॥

कामेन समर्धयति। अर्थ हैनं पुरर्षयः। उत्तरवेद्यामेव सिच्चियमचिन्वत। ततो वै तेऽविन्दन्त प्रजाम्। अभि स्वर्गं लोकमजयन्। विन्दतं एव प्रजाम्। अभि स्वर्गं लोकं जयित। यौऽग्निं नचिकेतं चिनुते। य उं चैनमेवं वेदं। अर्थ हैनं वायुर्ऋद्विकामः॥५१॥

यथान्युप्तमेवोपंदधे। ततो वै स एतामृद्धिमार्झोत्। यामिदं वायुर्ऋदः। एतामृद्धिमृश्नोति। यामिदं वायुर्ऋदः। यौऽग्निं नचिकेतं चिनुते। य उ चैनमेवं वेदे। अर्थ हैनं गोबलो वार्ष्णीः पशुकामः। पाङ्कमेव चिक्ये। पश्च पुरस्तात्॥५२॥

पर्च दक्षिणतः। पर्च पृश्चात्। पञ्चौत्तरतः। एकां मध्यै। ततो वै स सहस्रं पुश्चन्य्राप्तौत्। प्र सहस्रं पुश्चनाप्तोति। यौऽग्निं नाचिकेतं चिनुते। य उ चैनमेवं वेदं। अर्थ हैनं प्रजापितिज्यैष्ट्यकामो यश्चेस्कामः प्रजननकामः। त्रिवृत्तेमेव चिक्ये॥५३॥

सप्त पुरस्तात्। तिस्रो देक्षिणतः। सप्त पश्चात्। तिस्र उत्तरतः। एकां मध्यै। ततो वै स प्र यशो ज्यैष्ठ्यमाप्तोत्। एतां प्रजातिं प्राजायत। यामिदं प्रजाः प्रजायन्ते। त्रिवृद्वै ज्यैष्ठ्यम्। माता पिता पुत्रः॥५४॥

त्रिवृत्यजनंनम्। उपस्थो योनिर्मध्यमा। प्र यशो ज्यैष्ठ्यंमाप्नोति। एतां प्रजातिं प्रजायते। यामिदं प्रजाः प्रजायंन्ते। यौऽग्निं नाचिकेतं चिनुते। य उ चैनमेवं वेदं। अर्थ हैनमिन्द्रो ज्यैष्ठ्यंकामः। ऊर्ध्वा एवोपंदधे। ततो वै स ज्यैष्ठ्यंमगच्छत्॥५५॥

ज्येष्ठ्यं गच्छति। यौऽियं निचिक्तेतं चिनुते। य उ चैनमेवं वेदे। अर्थ हैनमसावदित्यः स्वर्गकोमः। प्राचिरेवोपद्धे। ततो वै सौऽिभ स्वर्गं लोकमजयत्। अभि स्वर्गं लोकं जयित। यौऽियं निचक्तेतं चिनुते। य उ चैनमेवं वेदे। स यदीच्छेत्॥५६॥

तेज्स्वी यंशस्वी ब्रह्मवर्च्सी स्यामिति। प्राङाहोतुर्धिष्ण्यादुत्संपैत्। येयं प्रागाद्यश्रास्वती। सा मा प्रोणौतु। तेजसा यशसा ब्रह्मवर्च्सनेति। तेज्रस्व्येव यंशस्वी ब्रह्मवर्च्सी भवति। अथ यदीच्छेत्। भूयिष्ठं मे श्रद्दंधीरन्। भूयिष्ठा दक्षिणा नयेयुरिति। दक्षिणासु नीयमानासु प्राच्येहि प्राच्येहीति प्राची जुषाणा वेत्वाज्यस्य स्वाहेति स्रवेणोपहत्याऽऽहवनीये जुहुयात्॥५७॥

भूयिष्ठमेवास्मै श्रद्दंघते। भूयिष्ठा दक्षिणा नयन्ति। पुरीषमुप्धाये। चितिक्कृप्तिभिरिभमृश्ये। अग्निं प्रणीयौपसमाधाये। चतस्त्र एता आहुंतीर्जुहोति। त्वमेन्ने रुद्र इति शतरुद्रीयंस्य रूपम्। अन्नविष्णू इति वसोर्धारायाः। अन्नपत् इत्यन्नहोमः। सप्त ते अन्ने सिमिर्धः

सप्त जिह्ना इति विश्वप्रीः॥५८॥

·[९]

यां प्रथमामिष्टंकामुप्दधिति। इमं तयां लोकमिनंयित। अथो या अस्मिँलोके देवताः। तासा<u>र</u> सायुंज्यर सलोकतामाप्तोति। यां द्वितीयमिपदधिति। अन्तिरिक्षलोकं तयाऽभिज्यित। अथो या अन्तिरिक्षलोके देवताः। तासा<u>र</u> सायुंज्यर सलोकतामाप्तोति। यां तृतीयमिपदधिति। अमुं तयां लोकमिन्जयित॥५९॥

अथो या अमुिष्माँ हो के देवताः। तासा सायुज्य सलोकतामा-प्रोति। अथो या अमूरितरा अष्टादेश। य एवामी उरविश्व वरीया सम्बद्ध लोकाः। तानेव ताभिर्भिजयित॥ कामचारौ ह वा अस्योरुषुं च वरीयः सु च लोकेषुं भवति। यौऽग्निं नाचिकेतं चिनुते। य उ चैनमेवं वेदं। संवत्सरो वा अग्निनींचिकेतः। तस्यं वसन्तः शिरः॥६०॥

ग्रीष्मो दक्षिणः पुक्षः। वर्षा उत्तरः। शरत्पुच्छम्। मासाः कर्मकाराः। अहोरात्रे श्रीतरुद्रीयम्। पुर्जन्यो वसोर्धारां। यथा वै पुर्जन्यः सुवृष्टं वृष्ट्वा। प्रजाभ्यः सर्वान्कामान्त्सम्पूर्यित। एवमेव स तस्य सर्वान्कामान्त्सम्पूर्यित। यौऽग्निं नाचिकेतं चिनुते॥ ६१॥

य उं चैनमेवं वेदं। संवत्सरो वा अग्निनींचिकेतः। तस्यं वस्तन्तः शिरंः। ग्रीष्मो दक्षिणः पृक्षः। वर्षाः पुच्छम्। शरदुत्तरः पृक्षः। हेमन्तो मध्यम्। पूर्वपृक्षाश्चितयः। अपरपृक्षाः पुरीषम्। अहोरात्राणीष्टंकाः। एष वाव सौऽग्निरंग्निमयः पुनर्णवः। अग्निमयौ ह वै पुनर्णवो भूत्वा। स्वर्गं लोकमेति। आदित्यस्य सायुज्यम्।

यौऽियं निचिकेतं चिनुते। य उ चैनमेवं वेद्॥६२॥

[80]

॥ इति कृष्णयजुर्वेदीयतैत्तितरीय काठके द्वितीयः प्रश्नः समाप्तः ॥ २ ॥

॥ तृतीयः प्रश्नः॥

तुभ्यं ता अङ्गिरस्तमाऽश्याम् तं काममग्ने। आशांनां त्वा विश्वा आशाः। अनुं नोऽद्यानुंमित्रिरिन्वदंनुमते त्वम्। कामौ भूतस्य कामस्तद्र्ये। ब्रह्मं जज्ञानं पिता विराजाम्। यज्ञो रायोऽयं यज्ञः। आपौ भुद्रा आदित्पंश्यामि। तुभ्यं भरिन्त यो देह्यः। पूर्वं देवा अपरेण प्राणापानौ। हृव्यवाहु स्विष्टम्॥१॥

·[१]

देवेभ्यो वै स्वर्गो लोकस्तिरोऽभवत्। ते प्रजापितमब्रुवन्। प्रजापते स्वर्गो वै नो लोकस्तिरोऽभूत्। तमन्विच्छेति। तं यज्ञकृतुभिरन्वैच्छत्। तं यज्ञकृतुभिर्नान्विविन्दत्। तिमिष्टिभिरन्वैच्छत्। तिमिष्टिभिरन्विविन्दत्। तिदृष्टीनािमिष्टित्वम्। एष्ट्रयो ह् वै नाम्। ता इष्ट्रय इत्याचेक्षते प्रोक्षेण। प्रोक्षेप्रिया इव हि देवाः॥२॥

तमाशाँऽब्रवीत्। प्रजापत आशया वै श्राँम्यसि। अहमु वा आशाँऽस्मि। मां नु यंजस्व। अर्थं ते सत्याऽऽशां भविष्यति। अनुं स्वर्गं लोकं वेत्स्यसीति। स एतम् अर्चं कामाय पुरोडाशंम्रष्टाकंपालं निर्स्वपत्। आशायें चरुम्। अर्नुमत्ये चरुम्। ततो वै तस्य सत्याऽऽशांऽभवत्। अर्नु स्वर्गं लोकमंविन्दत्। सत्या ह वा

अस्यऽऽशां भवति। अनुं स्वर्गं लोकं विन्दति। य एतेनं ह्विषा यजते। य उं चैनदेवं वेद्। सोऽत्रं जुहोति। अग्नये कामाय स्वाहाऽऽशाये स्वाहा। अनुमत्ये स्वाहा प्रजापंतये स्वाहा। स्वर्गायं लोकाय स्वाहाऽग्नये स्विष्टकृते स्वाहेति॥३॥

तं कामौऽब्रवीत्। प्रजापते कामेन वै श्राम्यिस। अहमु वै कामौऽस्मि। मां नु यंजस्व। अर्थ ते सत्यः कामौ भविष्यति। अनुं स्वर्गं लोकं वेत्स्यसीति। स एतम् प्रये कामीय पुरो डार्रामृष्टाकंपालं निर्रवपत्। कामीय चरुम्। अनुमत्ये चरुम्। ततो वै तस्य सत्यः कामौऽभवत्। अनुं स्वर्गं लोकमीविन्दत्। सत्यो ह् वा अंस्य कामौ भवति। अनुं स्वर्गं लोकं विन्दित्। य एतेन हिविषा यजते। य उं चैनदेवं वेदं। सोऽत्रं जुहोति। अग्नये कामीय स्वाहा कामीय स्वाहा। अनुंमत्ये स्वाहा प्रजापतये स्वाहा। स्वर्गायं लोकाय स्वाहाऽग्नये स्विष्कृते स्वाहेति॥४॥

तं ब्रह्माँबवीत्। प्रजापते ब्रह्मणा वै श्राम्यित्। अहमु वै ब्रह्माँरिम।
मां नु यर्जस्व। अर्थ ते ब्रह्मण्वान् युज्ञो भविष्यति। अनु स्वर्गं
लोकं वेतस्यसीति। स एतम्प्रये कामाय पुरोडार्शम्ष्टाकपालं
निर्स्वपत्। ब्रह्मणे चुरुम्। अनुमत्ये चुरुम्। ततो वै तस्य ब्रह्मण्वान्
युज्ञोऽभवत्। अनु स्वर्गं लोकमीविन्दत्। ब्रह्मण्वान् ह वा अस्य
युज्ञो भवति। अनु स्वर्गं लोक विन्दति। य एतेन हविषा यर्जते।
य उ चैनदेवं वेद्। सोऽत्रं जुहोति। अग्नये कामाय स्वाहा ब्रह्मणे
स्वाहाँ। अनुमत्ये स्वाहाँ प्रजापतये स्वाहाँ। स्वर्गायं लोकाय
स्वाहाऽग्नये स्विष्टकृते स्वाहेति॥५॥

तं युज्ञौऽब्रवीत्। प्रजापते युज्ञेन वै श्रौम्यसि। अहमु वै युज्ञौऽस्मि। मां नु यंजस्व। अर्थ ते सत्यो युज्ञो भवष्यति। अनु स्वर्गं लोकं वेत्स्यसीति। स एतम्प्रये कामाय पुरोडार्शमृष्टाकपालं निर्वपत्। युज्ञायं चुरुम्। अनुमत्ये चुरुम्। ततो वै तस्य सत्यो युज्ञोऽभवत्। अनु स्वर्गं लोकमिवन्दत्। सत्यो ह् वा अस्य युज्ञो भवति। अनु स्वर्गं लोकं विन्दति। य एतेन ह्विषा यजते। य उं चैनदेवं वेद्। सोऽत्रं जुहोति। अग्नये कामाय स्वाहां युज्ञाय स्वाहां। अनुमत्ये स्वाहां प्रजापतये स्वाहां। स्वर्गायं लोकाय स्वाहाऽग्नये स्विष्टकृते स्वाहति॥६॥

तमापौऽब्रुवन्। प्रजापतेऽप्सु वै सर्वे कामाः श्रिताः। वयमु वा आपः स्मः। अस्मान्न यंजस्व। अथ्र त्विय सर्वे कामाः श्रियष्यन्ते। अनुं स्वर्गं लोकं वेत्स्यसीति। स एतम् अये कामाय पुरोडाशंम्रष्टाकंपालं निर्रवपत्। अद्यश्चरुम्। अनुंमत्ये चरुम्। ततो वै तिस्मन्त्सर्वे कामा अश्रयन्त। अनुं स्वर्गं लोकमिवन्दत्। सर्वे ह् वा अस्मिन्कामाः श्रयन्ते। अनुं स्वर्गं लोकं विन्दति। य एतेनं ह्विषा यजते। य उं चैनदेवं वेदं। सोऽत्रं जुहोति। अग्नये कामाय स्वाहाऽद्यः स्वाहाँ। अनुंमत्ये स्वाहाँ प्रजापंतये स्वाहाँ। स्वर्गायं लोकाय स्वाहाऽग्नये स्विष्टुकृते स्वाहेति॥७॥

तम्प्रिबैंलिमानंबवीत्। प्रजापतेऽग्नये वै बेलिमते सर्वाणि भूतानि बिलिश हेरिन्ति। अहमु वा अग्निबैंलिमानंस्मि। मां नु यंजस्व। अर्थ ते सर्वाणि भूतानि बिलिश हेरिष्यन्ति। अनु स्वर्ग लोकं वेत्स्यसीति। स एतम्ब्रये कामाय पुरोडार्शमृष्टाकंपालं निर्वपत्। अग्नयें बिल्मितें चुरुम्। अनुमत्ये चुरुम्। ततो वै तस्मै सर्वाणि भूतानि बिल्मिहरन्। अनुं स्वर्गं लोकमिवन्दत्। सर्वाणि ह वा अस्मै भूतानि बिल्श हंरन्ति। अनुं स्वर्गं लोकं विन्दति। य एतेने हिविषा यजते। य उं चैनदेवं वेदं। सोऽत्रं जुहोति। अग्नये कामाय स्वाहाऽग्नयें बिल्मिते स्वाहाँ। अनुमत्यै स्वाहाँ प्रजापतये स्वाहाँ। स्वर्गायं लोकाय स्वाहाऽग्नयें स्विष्टकृते स्वाहेति॥८॥

तमनुवित्तिरब्रवीत्। प्रजापते स्वर्गं वै लोकमनुविवित्सित्ता। अहमु वा अनुवित्तिरित्तम। मां नु यंजस्व। अर्थ ते सत्याऽनुवित्तिर्भविष्यति। अनु स्वर्गं लोकं वेत्स्यसीति। स एतम् अये कामाय पुरो डार्शम् ष्टाकंपालं निर्रवपत्। अनुवित्त्ये चरुम्। अनुमत्ये चरुम्। ततो वै तस्यं सत्याऽनुवित्तिरभवत्। अनु स्वर्गं लोकमिविन्दत्। सत्या ह् वा अस्यानुवित्तिर्भवति। अनु स्वर्गं लोकं विन्दति। य एतेन ह्विषा यर्जते। य उ चैनदेवं वेद्। सोऽत्रं जुहोति। अग्नये कामाय स्वाहाऽनुवित्त्ये स्वाहाँ। अनुमत्ये स्वाहाँ प्रजापतये स्वाहाँ। स्वर्गायं लोकाय स्वाहाऽग्नये स्विष्टकृते स्वाहाँति॥९॥

ता वा एताः सप्त स्वर्गस्यं लोकस्य द्वारंः। दिवःश्येनयोऽनुवित्तयो नामं। आशा प्रथमाः रक्षति। कामौ द्वितीयाम्। ब्रह्मं तृतीयाम्। यज्ञश्चंतुर्थीम्। आपः पञ्चमीम्। अग्निर्बेलिमान्त्षष्ठीम्। अनुवित्तिः सप्तमीम्। अनुं हु वै स्वर्गं लोकं विन्दति। कामचारौऽस्य स्वर्गे लोके भवति। य एतामिरिष्टिमिर्यजेते। य उं चैना एवं वेद्ं। तास्वन्विष्टि। पृष्ठौहीवरां देवात्कुर्सं चं। स्त्रियै चाऽऽभारः समृद्धौ॥१०॥ [२] तपंसा देवा देवतामग्रं आयन्। तप्सर्षयः स्वरन्वविन्दन्। तपंसा सपलान्त्रणुदामारातीः। येनेदं विश्वं परिभृतं यदस्ति। प्रथमजं देवश् हविषां विधेम। स्वयम्भु ब्रह्मं पर्मं तपो यत्। स एव पुत्रः स पिता स माता। तपौ ह यक्षं प्रथमश सम्बंभूव। श्रद्धया देवो देवत्वमंश्रुते। श्रद्धा प्रतिष्ठा लोकस्यं देवी॥११॥

सा नौ जुषाणोपं यज्ञमागात। कामवत्साऽमृतं दुर्हाना। श्रद्धा देवी प्रथमजा ऋतस्य। विश्वस्य भूत्रीं जगतः प्रतिष्ठा। ताङ् श्रद्धाः ह्विषां यजामहे। सा नौ लोकममृतं द्धातु। ईशाना देवी भूवनस्याधिपत्नी। आगौत्सत्यः ह्विरिदं जुषाणम्। यस्मद्दिवा जिज्ञिरे भुवनं च विश्वे। तस्मै विधेम ह्विषां घृतेनं॥ १२॥

यथां देवैः संधमादं मदेम। यस्यं प्रतिष्ठोविन्तरिक्षम्। यस्माद्देवा जिह्निरे भुवेनं च सर्वे। तत्सत्यमर्चदुपं यहां न आगात्। ब्रह्माऽऽह्वंतीरुपमोदंमानम्। मनसो वशे सर्वेमिदं बंभूव। नान्यस्य मनो वशमन्वियाय। भीष्मो हि देवः सर्ह्मः सहीयान्। स नौ जुषाण उपं यहामागात्। आकूतीनामधिपतिं चेतसां च॥१३॥

सङ्कल्पर्जूतिं देवं विपश्चिम्। मनो राजानिमह वर्धयन्तः। उपह्वेऽस्य सुमतौ स्याम। चरणं पवित्रं वित्तं पुराणम्। येनं पूतस्तरित दुष्कृतानि। तेनं पवित्रेण शुद्धेनं पूताः। अति पाप्मानमरातिं तरेम। लोकस्य द्वार्रमर्चिमत्पवित्रम्। ज्योतिष्मद्भाजमानं महस्वत्। अमृतस्य धारां बहुधा दोहंमानम्। चरणं नो लोके सुधितां दधातु। अग्निर्मूर्धा भुवंः। अनु

नोऽद्यानुंमित्रिन्वदंनुमते त्वम्। ह्व्यवाह्र् स्विष्टम्॥१४॥

-[३]

देवेभ्यो वै स्वर्गो लोकस्तिरौऽभवत्। ते प्रजापितमब्रुवन्। प्रजापते स्वर्गो वै नौ लोकस्तिरौऽभूत्। तमन्विच्छेति। तं यज्ञकृतुभिरन्वैच्छत्। तं यज्ञकृतुभिर्नान्विविन्दत्। तमिष्टिभि-रन्वैच्छत्। तमिष्टिभिरन्विविन्दत्। तदिष्टीनामिष्टित्वम्। एष्टयो ह वै नामे। ता इष्टंय इत्याचेक्षते प्रोक्षेण। प्रोक्षेप्रिया इव हि देवाः॥१५॥

तं तपौऽब्रवीत्। प्रजापते तपसा वै श्रौम्यिस। अहमु वै तपौऽिसम। मां नु यंजस्व। अर्थ ते सत्यं तपौ भविष्यति। अनुं स्वर्गं लोकं वेत्स्यसीति। स एतमाँ येयमृष्टाकपालुं निर्वपत्। तपसे चरुम्। अनुंमत्यै चरुम्। ततो वै तस्यं सत्यं तपौऽभवत्। अनुं स्वर्गं लोकमिवन्दत्। सत्यः हु वा अस्य तपौ भवित। अनुं स्वर्गं लोकं विन्दित। य एतेन हिविषा यजते। य उं चैनदेवं वेदं। सोऽत्रं जुहोति। अग्नये स्वाहा तपसे स्वाहाँ। अनुंमत्यै स्वाहाँ प्रजापतये स्वाहाँ। स्वर्गायं लोकाय स्वाहाऽग्नयौ स्वष्टकृते स्वाहेति॥१६॥

तङ् श्रद्धाऽब्रंवीत्। प्रजापते श्रद्धया वै श्राम्यसि। अहमु वै श्रद्धाऽस्मि। मां नु यंजस्व। अर्थ ते सत्या श्रद्धा भविष्यति। अनुं स्वर्गं लोकं वेत्स्यसीति। स एतमाश्चेयमृष्टाकपालं निर्वपत्। श्रद्धायै चरुम्। अनुमत्यै चरुम्। ततो वै तस्य सत्या श्रद्धाऽभवत्। अनुं स्वर्गं लोकमविन्दत्। सत्या हु वा अस्य श्रद्धा भवति। अनुं स्वर्गं लोकं विन्दित। य एतेने हिविषा यजिते। य उं चैनदेवं वेदे। सोऽत्रे जुहोति। अग्नये स्वाहाँ श्रद्धायै स्वाहाँ। अनुमत्यै स्वाहाँ प्रजापंतये स्वाहाँ। स्वर्गायं लोकाय स्वाहाऽग्नयै स्विष्टकृते स्वाहेति॥१७॥

तश् सृत्यमंब्रवीत्। प्रजापते सृत्येन वै श्राम्यसि। अहमु वै सृत्यमंस्मि। मां नु यंजस्व । अर्थ ते सृत्यश् सृत्यं भविष्यति। अनुं स्वर्गं लोकं वेत्स्यसीति। स पुत्रमां मेयमृष्टाकपालुं निर्म्वपत्। सृत्यायं चुरुम्। अनुमृत्ये चुरुम्। ततो वै तस्यं सृत्यश् सृत्यमंभवत्। अनुं स्वर्गं लोकमंविन्दत्। सृत्यश् हृ वा अस्य सृत्यं भवति। अनुं स्वर्गं लोकं विन्दति। य पुतेन हृविषा यजते। य उं चैनदेवं वेदं। सोऽत्रं जुहोति। अग्नये स्वाहां सृत्याय स्वाहां। अनुमृत्ये स्वाहां प्रजापतये स्वाहां। स्वर्गायं लोकाय स्वाहाऽग्नये स्वाहां स्वाहां प्रजापतये स्वाहां। स्वर्गायं लोकाय स्वाहाऽग्नये स्वाहांते। १८॥

तं मनौऽब्रवीत्। प्रजीपते मनसा वै श्रौम्यसि। अहमु वै मनौऽस्मि।
मां नु यंजस्व। अर्थ ते सत्यं मनौ भविष्यति। अनु स्वर्गं लोकं
वेत्स्यसीति। स एतमौग्नेयमृष्टाकंपालं निर्वपत्। मनसे चरुम्।
अनुमत्ये चरुम्। ततो वै तस्य सत्यं मनौऽभवत्। अनु स्वर्गं
लोकमिवन्दत्। सत्यः ह वा अस्य मनौ भवति। अनु स्वर्गं
लोकं विन्दति। य एतेन हविषा यजते। य उं चैनदेवं वेद्। सोऽत्रं
जुहोति। अग्नये स्वाहा मनसे स्वाहाँ। अनुमत्ये स्वाहाँ प्रजापतये
स्वाहाँ। स्वर्गायं लोकाय स्वाहाऽग्नये स्विष्टकृते स्वाहाति॥१९॥

तं चरणमब्रवीत्। प्रजापते चरणेन वै श्राम्यसि। अहमु वै चरणमस्मि। मां नु यंजस्व। अर्थ ते सुत्यं चरणं भविष्यति। अनुं स्वर्गं लोकं वेत्स्यसीति। स एतमाँग्नेयमृष्टाकंपालं निर्वपत्। चरणाय चरुम्। अनुंमत्ये चरुम्। ततो वे तस्यं सत्यं चर्णमभवत्। अनुं स्वर्गं लोकमंविन्दत्। सत्यः ह वा अस्य चर्णं भवति। अनुं स्वर्गं लोकं विन्दति। य एतेनं ह्विषा यर्जते। य उं चैनदेवं वेदं। सोऽत्रं जुहोति। अग्नये स्वाहा चर्णाय स्वाहाँ। अनुंमत्ये स्वाहाँ प्रजापंत्रये स्वाहाँ। स्वर्गायं लोकाय स्वाहाऽग्नये स्विष्टकृते स्वाहेति॥२०॥

ता वा एताः पर्श्व स्वर्गस्य लोकस्य द्वारः। अपाघा अनुवित्तयो नाम। तपः प्रथमाः रक्षति। श्रद्धा द्वितीयाम्। सत्यं तृतीयाम्। मनश्चतुर्थीम्। चरणं पश्चमीम्। अनुं हु वै स्वर्गं लोकं विन्दति। कामचारौऽस्य स्वर्गे लोके भवति। य एताभिरिष्टिभिर्यजते। य उं चैना एवं वेद्। तास्विन्विष्टि। पृष्ठौहीवरां दंद्यात्कुर्सं चं। स्त्रियै चाऽऽभारः समृद्धौ॥२१॥

[8]

ब्रह्म वै चतुर्होतारः। चतुर्होतृभ्योऽधियज्ञो निर्मितः। नैनर् श्वासम्। नाभिचिरितमार्गच्छति। य एवं वेद्। यो ह वै चतुर्होतृणां चतुर्होतृत्वं वेद्। अथो पर्ञ्चहोतृत्वम्। सवी हास्मे दिर्शः कत्पन्ते। वाचस्पतिर्होता दर्शहोतॄणाम्। पृथिवी होता चतुर्होतृणाम्॥२२॥

अग्निर्होता पश्चेहोतॄणाम्। वाग्घोता षङ्ढौतॄणाम्। महाहंविर्होतां सप्तहोतॄणाम्। एतद्वै चतुर्होतृणां चतुर्होतृत्वम्। अथो पश्चेहोतृत्वम्। सर्वा हास्मै दिशः कल्पन्ते। य एवं वेदं। एषा वै

सर्विविद्या। एतद्भेषजम्। एषा पङ्किः स्वर्गस्यं लोकस्याञ्चसाऽयंनिः स्रुतिः॥२३॥

प्तान् योऽध्यैत्यछंदिर्द्र्शे यावंत्तरसम्। स्वरेति। अन्पब्रवः सर्वमायुरेति। विन्दते प्रजाम्। रायस्योषं गौपत्यम्। ब्रह्मवर्चसी भवति। प्तान् योऽध्यैति। स्पृणोत्यात्मानम्। प्रजां पितृन्। प्तान् वा अरुण औपवेशिर्विदार्श्वकार॥२४॥

प्तैरेधिवादमपाजयत्। अथो विश्वं पाप्मानम्। स्वर्ययौ। प्तान्योऽध्यैति। अधिवादं जयित। अथो विश्वं पाप्मानम्। स्वरेति। प्तैरिप्तं चिन्वीत स्वर्गकामः। प्तैरायुष्कामः। प्रजापशुकामो वा॥२५॥

पुरस्ताद्दर्शहोतार्मुर् ञ्चमुपंद्धाति यावत्पदम्। हृद्यं यर्जुषी पत्यौ च। दृक्षिणतः प्राञ्चं चतुर्होतारम्। पृश्चादुर्द्ञ्चं पञ्चहोतारम्। उत्तरतः प्राञ्चर षङ्घोतारम्। उपरिष्टात्प्राञ्चरं सप्तहोतारम्। हृद्यं यजूर्रेषि पत्यश्च । यथावकाद्दां ग्रहान्। यथावकाद्दां प्रतिग्रहाँ ह्रोंकम्पृणाश्चं। सर्वा हास्यैता देवताः प्रीता अभीष्टां भवन्ति॥२६॥

सदैवम् भिं चिनुते। रथसंम्मितश्चेत्व्यः। वज्रो वै रथः। वज्रेणैव पाप्मानं भ्रातृंव्यङ् स्तृणुते। पक्षः सम्मितश्चेत्व्यः। एतावान् वै रथः। यावंत्पक्षः। रथसम्मितमेव चिनुते। इममेव लोकं पशुबन्धेनाभिजयति। अथौ अग्निष्टोमेन्॥ २७॥

अन्तरिक्षमुक्थ्येन। स्वरितरात्रेण। सर्वौह्योकानहीनेन। अथौ

स्रत्रेणं। वरो दक्षिणा। वरेणैव वर ई स्मृणोति। आत्मा हि वर्रः। एकविश्वातिर्दक्षिणा ददाति। एकविश्वा वा इतः स्वर्गो लोकः। प्र स्वर्गं लोकमाप्तोति॥२८॥

असार्वादित्य एकि विश्वाः। अमुमेवाऽऽदित्यमाँ प्रोति। शतं दद्ति। शतायुः पुरुषः शतोन्द्रियः। आयुष्येवेन्द्रिये प्रतितिष्ठति। सहस्रं ददाति। सहस्रंसिम्मतः स्वर्गो लोकः। स्वर्गस्यं लोकस्याभिजित्यै। अन्विष्टकं दक्षिणा ददाति। सर्वाणि वयाश्रीस॥ २९॥

सर्वस्याऽऽह्यै। सर्वस्यावंरुद्धे। यदि न विन्देतं। मन्थानेतावतो दंघादोदनान् वा। अश्वते तं कामम्। यस्मै कामायाप्निश्चीयते। पृष्ठौहीं त्वन्तर्वतीं दद्यात्। साहि सर्वाणि वया स्ति। सर्वस्याऽऽह्यै। सर्वस्यावंरुद्धै॥३०॥

हिर्रण्यं ददाति। हिर्रण्यज्योतिरेव स्वर्गं लोकमेति। वासौ ददाति। तेनऽऽयुः प्रतिरते। वेदितृतीये यंजेत। त्रिषंत्या हि देवाः। स संत्यम्प्तिं चिनुते। तदेतत्पंशुबन्धे ब्राह्मणं ब्रूयात्। नेतरेषु यज्ञेषुं। यो ह वै चतुर्होतृननुसवनं तर्पयित्व्यान् वेदं॥३१॥

तृप्यंति प्रजयां प्रशुभिः। उपैनः सोमपीथो नमिति। एते वै चतुर्होतारोऽनुसवनं तर्पयित्व्याः। ये बाह्मणा बहुविदः। तेभ्यो यहिक्षणा न नयत्। दुरिष्टङ् स्यात्। अग्निमस्य वृज्जीरन्। तेभ्यो यथाश्रद्धं देद्यात्। स्विष्टमेवैतिकियते। नास्याग्निं वृज्जते॥३२॥

हिर्ण्येष्टको भवति। यावदुत्तममङ्गुलिकाण्डं यज्ञपुरुषा सम्मितम्। तेजो हिर्रण्यम्। यदि हिर्रण्यं न विन्देत्। शक्षरा अक्ता उपदध्यात्। तेजो घृतम्। सतेजसमेवाग्निं चिनुते। अग्निं चित्वा सौत्रामण्या यंजेत मैत्रावरूण्या वाँ। वीर्येण वा एष व्यृध्यते। याँऽग्निं चिनुते॥३३॥ यावेदेव वीर्यम्। तदिस्मन्दधाति। ब्रह्मणः सायुज्यश् सलोकतामाप्नोति। एतासामेव देवतानाश् सायुज्यम्। सार्षिताश्रं समानलोकतामाप्नोति। य एतम्ग्निं चिनुते। य उ चैनमेवं वेदं। एतदेव सावित्रे ब्राह्मणम्। अथौ नाचिकेते॥३४॥

यचामृतं यच मर्त्यम्। यच प्राणिति यच न। सर्वास्ता इष्टंकाः कृत्वा। उपं कामृदुघां दधे। तेनर्षिणा तेन ब्रह्मणा। तयां देवत्रयाऽङ्गिरस्बद्भुवा सीद। सर्वाः स्त्रियः सर्वौन्युर्सः। सर्वं न स्त्रीपुमं च यत्। सर्वास्ताः। यावन्तः पार्स्सवो भूमैः॥३५॥

सङ्खाता देवमायया। सर्वास्ताः। यावन्त ऊषाः पश्रूनाम्। पृथिव्यां पृष्टिर्हिताः। सर्वास्ताः। यावतीः सिकताः सर्वाः। अप्स्वन्तश्च याः श्रिताः। सर्वास्ताः। यावतीः शकीरा धृत्यै। अस्यां पृथिव्यामधि॥ ३६॥

सर्वास्ताः। यावन्तोऽश्मानोऽस्यां पृथिव्याम्। प्रतिष्ठासु प्रतिष्ठिताः। सर्वास्ताः। यावतीर्वीरुधः सर्वाः। विष्ठिताः पृथिवीमनुं। सर्वास्ताः। यावतीरोषधीः सर्वाः। विष्ठिताः पृथिवीमनुं। सर्वास्ताः॥३७॥

यार्वन्तो वनस्पतयः। अस्यां पृथिव्यामिषे। सर्वास्ताः। यार्वन्तो ग्राम्याः पुशवः सर्वै। आरुण्याश्च ये। सर्वास्ताः। ये द्विपादुश्चतुंष्पादः। अपादं उदरसर्पिणः। सर्वास्ताः।

यावदाञ्जनमुच्यतै॥३८॥

देवत्रा यचे मानुषम्। सर्वास्ताः॥ यावंत्कृष्णायंस्<u>र</u> सर्वम्। देवत्रा यचे मानुषम्। सर्वास्ताः। यावं ह्योहायंस्र सर्वम्। देवत्रा यचे मानुषम्। सर्वास्ताः। सर्व<u>र</u> सीस्र सर्वं त्रपुं। देवत्रा यचे मानुषम्। सर्वास्ताः। सर्व<u>र</u> सीस्र सर्वं त्रपुं। देवत्रा यचे मानुषम्॥३९॥

सर्वास्ताः। सर्वेश् हिरंण्यश रज्तम्। देवत्रा यच्चं मानुषम्। सर्वास्ताः। सर्वेश् सुर्वर्णश् हरितम्। देवत्रा यच्चं मानुषम्। सर्वास्ता इष्टंकाः कृत्वा। उपं कामदुर्घा द्धे। तेनर्षिणा तेन ब्रह्मणा। तया देवतंयाऽङ्गिरस्वद्भवा सीद्॥४०॥

सर्वा दिशौ दिक्षु। यचान्तर्भूतं प्रतिष्ठितम्। सर्वास्ता इष्टंकाः कृत्वा। उपं कामदुर्घा दधे। तेनर्षिणा तेन ब्रह्मणा। तया देवत्रयाऽङ्गिरस्वद्भुवा सीद्। अन्तरिक्षं च केवलम्। यचारिमन्नन्तराहितम्। सर्वास्ताः। आन्तरिक्ष्यंश्च याः प्रजाः॥४१॥

गन्धर्वाप्सरसंश्च ये। सर्वास्ताः। सर्वानुदारान्त्सिलिलान्। अन्तरिक्षे प्रतिष्ठितान्। सर्वास्ताः। सर्वानुदारान्त्सिलिलान्। स्थावराः प्रोष्याश्च ये। सर्वास्ताः। सर्वा धुनिश् सर्वान्ध्वश्सान्। हिमो यर्च शीयते॥४२॥

सर्वास्ताः। सर्वान्मरीचीन् वितंतान्। नीहारो यर्च शीयतै। सर्वास्ताः। सर्वो विद्युतः सर्वौन्त्स्तनियेलून्। हादुनीर्यचे शीयतै। सर्वास्ताः। सर्वाः स्रवन्तीः स्रारितः। सर्वमप्सुच्रं च यत्। सर्वास्ताः॥४३॥

याश्च कूप्या याश्चे नाद्याः समुद्रियाः। याश्चे वैद्यान्तीरुत प्रांसचीर्याः। सर्वास्ताः। ये चोत्तिष्ठन्ति जीमूताः। याश्च वर्षन्ति वृष्टयः। सर्वास्ताः। तपस्तेजं आकाद्यम्। यचाऽऽकाद्यो प्रतिष्ठितम्। सर्वास्ताः। वायुं वयार्शस् सर्वाणि॥४४॥

अन्तिरिक्षचरं च यत्। सर्वास्ताः। अग्निश् सूर्यं चन्द्रम्। मित्रं वर्रणं भगम्। सर्वास्ताः। सत्यङ् श्रद्धां तपो दमम्। नामं रूपं चं भूतानाम्। सर्वास्ता इष्टंकाः कृत्वा। उपं कामदुघां दधे। तेनर्षिणा तेन ब्रह्मणा। तयां देवतंयाऽङ्गिरस्वद्भवा सीद॥४५॥

सर्वान्दिवश् सर्वान्देवान्दिव। यचान्तर्भूतं प्रतिष्ठितम्। सर्वास्ता इष्टंकाः कृत्वा। उपं कामदुघां दधे। तेनर्षिणा तेन ब्रह्मणा। तयां देवत्रयाऽङ्गिरस्वद्भुवा सीद। यावंतीस्तारंकाः सर्वाः। वितंता रोचने दिवि। सर्वास्ताः। ऋचो यजूश्वि सामानि॥४६॥

अथर्वाङ्गिरसंश्च ये। सर्वास्ताः। इतिहासपुराणं चे। सर्पदेवजनाश्च ये। सर्वास्ताः। ये चे लोका ये चेलोकाः। अन्तर्भूतं प्रतिष्ठितम्। सर्वास्ताः। यच्च ब्रह्म यचाँब्रह्म। अन्तर्ब्रह्मन्प्रतिष्ठितम्॥४७॥

सर्वास्ताः। अहोरात्राणि सर्वाणि। अर्धमासाङ्श्च केवेलान्। सर्वास्ताः। सर्वीनृतृन्त्सर्वीन्मासान्। संवत्सरं च केवेलम्। सर्वास्ताः। सर्वं भृत्<u>र</u>ं सर्वं भव्यम्। यचातोऽधिभविष्यति। सर्वास्ता इष्टेकाः कृत्वा। उपं कामदुघां दधे। तेनर्षिणा तेन ब्रह्मणा। तयां देवत्याऽङ्गिर्स्वद्भुवा सींद्॥४८॥

ऋचां प्राची मह्ती दिगुंच्यते। दक्षिणामाहुर्यजुषामपाराम्। अर्थवणामङ्गिरसां प्रतीची। साम्नामुदीची मह्ती दिगुंच्यते। ऋग्भिः पूर्वाह्ने द्विव देव ई यते। यजुर्वेदे तिष्ठति मध्ये अह्नः। सामवेदेना उस्तमये महीयते। वेदैरशून्यिस्त्रिभिरेति सूर्यः। ऋग्भ्यो जाता सर्वेद्द्रो मूर्तिमाहः। सर्वा गतिर्याजुषी हैव द्राश्वंत्॥४९॥

सर्वं तेजः सामरूप्यश् हं शश्वत्। सर्वश्रं हेदं ब्रह्मणा हैव सृष्टम्। ऋग्भ्यो जातं वैश्यं वर्णमाहुः। यजुर्वेदं क्षंत्रियस्याऽऽहुर्योनिम्। सामवेदो ब्राह्मणानां प्रसूतिः। पूर्वे पूर्वेभ्यो वर्च एतदूचुः। आदर्शमित्रं चिन्वानाः। पूर्वे विश्वसृजोऽमृताः। शतं वर्ष्षसहस्राणि। दीक्षिताः सम्त्रमासत॥५०॥

तपं आसीद्गृहपंतिः। ब्रह्मं ब्रह्माऽभवत्स्वयम्। सत्यश ह होतेषामासीत्। यद्विश्वसृज् आसंत। अमृतंमेभ्य उदंगायत्। सहस्रं परिवत्सरान्। भूतश हं प्रस्तोतेषामासीत्। भविष्यत्प्रति चाहरत्। प्राणो अध्वर्युरंभवत्। इदश् सर्वश् सिषांसताम्॥५१॥

अपानो विद्वानावृतः। प्रतिप्रातिष्ठद्ध्वरे। आर्तवा उपगातारः। सद्स्यां ऋतवोऽभवन्। अर्धमासाश्च मासांश्च। चमसाध्वर्यवोऽभवन्। अश्रारं सद्वसंणस्तेजः। अच्छावाकोऽभवद्यशः। ऋतमेषां प्रशास्ताऽऽसीत्। यद्विश्वसृज् आसंत॥५२॥ ऊर्याजानमुद्वहत्। ध्रुवगोपः सहौऽभवत्। ओजोऽभ्यष्टौद्राव्णणः। यद्विश्वसृज आसंत। अपंचितिः पोत्रीयामयजत्। नेष्ट्रीयाम-यज्ञित्विषः। आग्नीद्राद्विदुषीं सत्यम्। श्रद्धा हैवायंजत्स्वयम्। इरा पत्नी विश्वसृजाम्। आकूतिरिपनङ्गविः॥५३॥

इध्मश् ह क्षुचैभ्य उग्रे। तृष्णा चाऽऽवंहतामुभे। वागेषाश् सुब्रह्मण्याऽऽसीत्। छुन्दोयोगान् विजानती। कृत्पतन्त्राणि तन्वानाऽहंः। सुश्स्थाश्चं सर्व्दशः। अहोरात्रे पंशुपाल्यो। मुहूर्ताः प्रेष्या अभवन्। मृत्युस्तदंभवद्धाता। शामितोग्रो विशां पतिः॥५४॥ विश्वसृजंः प्रथमाः सत्रमासत। सहस्रंसम् प्रसृतेन यन्तः। ततौ ह जज्ञे भुवनस्य गोपाः। हिर्ण्मयः शकुनिर्ब्रह्मनाम्। येन सूर्यस्तपित् तेजसेद्धः। पिता पुत्रेणं पितृमान् योनियोनो। नावेदविन्मनुते तं बृहन्तम्। सर्वानुभुमात्मानश्च सम्पराये। एष नित्यो महिमा ब्राह्मणस्यं। न कर्मणा वर्धते नो कनीयान्॥५५॥

तस्यैवाऽऽत्मा पंद्वित्तं विदित्वा। न कर्मणा लिप्यते पापकेन।
पश्चपञ्चाशतिस्त्रवृतेः संवत्सराः। पश्चपञ्चाशतेः पञ्चद्रशाः।
पश्चपञ्चाशतेः सप्तद्रशाः। पश्चपञ्चाशते एकविश्वशाः। विश्वसृजाश्च
सहस्र्रेसंवत्सरम्। एतेन वै विश्वसृजं इदं विश्वमसृजन्त।
यद्विश्वमसृजन्त। तस्माद्विश्वसृजंः। विश्वमेनाननु प्रजायते।
ब्रह्मणः सायुज्यश् सल्योकतां यन्ति। एतासामेव देवतानाश्च
सायुज्यम्। सार्षिताश्च समानल्योकतां यन्ति। य एतद्वप्यन्ति। ये
चैनत्प्राहुंः। येभ्यंश्चैनत्प्राहुंः॥५६॥

<u>[</u>९]

|| 30 ||

॥ इति कृष्णयजुर्वेदीयतैत्तिरीयकाठके तृतीयः प्रश्नः समाप्तः ॥ ३॥॥ इति कृष्णयजुर्वेदीयतैत्तिरीयकाठकं समाप्तम्॥ हिर्रः ॐ॥